





*S<sup>r</sup> Walter Rawlinson Kn<sup>t</sup>*  
*of Ston Hall in the County of Suff.*  
*FRS & FSA.*



20

B







H A D R I A N I

I V N I I M E D I C I

E M B L E M A T A .

E I V S D E M

Æ N I G M A T V M . L I B E L L V S .



A N T V E R P I Æ ,

Ex officina Christophori Plantini.

M . D . L X I X .

C V M P R I V I L E G I O .



S V M M A P R I V I L E G I O R V M .

P H I L I P P I Regis Hisp. &c. Ducis  
Brab. &c. Priuilegiis cautū est, ne quis  
ante sexenniū citra Christophori Plan-  
tini voluntatem, *Emblemata & Aenigma-  
ta ab Hadr. Iunio Medico conscripta*, impri-  
nat, aut alibi impressa importet, vena-  
liāve habeat, intra omnes ditionis eius  
fines. qui secus faxit; confiscationis li-  
brorum, & pœna fisco Regio exsoluen-  
da, multabitur: vt latius patet in ipsis  
diplomatis; quorum alterum datum  
Bruxellæ: Anno, M.D.LXV. VI. Ianuar.

Subsig.

De la Torre.


Alterum verò x i i. Martij Subsig.

De Perre.



3

CLARISSIMO SPLEN-  
DIDISSIMOQ. VIRO ARNOLDO  
COBELIO, QVAESTORI AERARIO  
HOLLANDIAE MERITISSIMO,  
HADR. IVNIVS MEDICVS.

 Anuarij Calendas anni au-  
spices largiendis strenis sa-  
crauit antiquitas. atq; ea cō-  
suetudo iam inde à Tatio Sa-  
binorum rege in posteritatem trāsmis-  
sa est: quem verbenas felicis arboris ex  
luco Streniæ, noui anni auspices primū  
accepisse auctor est Symmachus, argu-  
mento indubitato viris strenuis eas cō-  
uenire, atque ob virtutem deberi. De-  
creueram itaque veterum factum imi-  
tator non otiosus affectari, ornatiss. Co-  
beli, ac dedicato tibi, missoque strenæ  
vice libello Emblematum Calendas  
præuertere, sed voluntatem eam sedu-  
litas quædam sibi instans nec ferè vn-  
quam sibi satisfaciens abrupit: eam ta-  
men occasionem elapsam eo minùs ini-



què patior, quo libri moles magis ex-  
 creuerit, quo Emblematum numerus  
 sit auctior, hoc est, quo largior vsura fe-  
 nori accesserit. Bonæ fidei contractus  
 rescindi nequit, comperēdinari potest,  
 habita fenoris ratione. Itaque seriùs ad  
 te xenij loco proficiscentem libellum,  
 ex corollarij superpondio nihilo dete-  
 riorem putabis. Neque verò ex prolix-  
 itate captare fauoris auram studui, quā-  
 do vnumquodque Emblemata libelli ma-  
 teria futurum fuerit, si compendio o-  
 perosam verborum struem pretulissem;  
 ac nisi tam posse occupato tibi displice-  
 re prolixitatem cogitassem, quàm mihi  
 aut desiderantibus aliis est grata. Ni-  
 mirum malui eundem mihi lingue mo-  
 dum, qui est ingenij, qui est fortunæ.  
 Scripsi autem plura, quàm iniunxeras,  
 vt delectum instituere tibi sit integrū:  
 itidem, vt fit in lustratione exercitus, v-  
 bi triariis & veteranis primus habetur  
 locus, capitecensis & gregariis numero  
 sum-



summotis. Plurimum operæ positum  
est cum in reddenda symbolorum ra-  
tione, quæ obscurior paulo est, eo quod  
breuitatem captanti, singulis versuum  
quadrigis, & picturæ typum & symbo-  
li rationem includere necessum fuerit;  
tum in explicando picturæ apparatu,  
ut ne pictor, quia locis disiungimur,  
quidquam hinc desideraret. Adde quod  
impensius & de industria satagi, varie-  
tate metrorum condire opus, ut vnifor-  
mis lectionis fastidium hac parte leua-  
retur. Vale feliciter, & nos ama. Harle-  
mo sub Idus Ianuarias.

A 3

I. Sam-



## IO. SAMBVCVS HADR.

IUNIO SVO S.

ACCEPIT tua Emblemata; de quibus etsi tu  
 nimium modestè sentis, aliud tamen fore publi-  
 cum iudicium videbis: nam & sana, & varia, ele-  
 gantiaque sunt, & faciliè auctorem, officinamque  
 testabuntur. Quòd verò mea tantopere expetis,  
 ante Aprilem ob sculptoris & pictorum moram  
 vix apparebunt: quæ si videris, minuetur deside-  
 rium legendi ea, & verè τῶν κοπερίων ἐκβλητοῖς  
 dices. Tu verò tandem nobis Sudam restitutum,  
 epithetorum Græcorum explicationes, Noniū,  
 & alia extrudas: nec, quasi nondum absolueris,  
 otium differendo quæras; teq; ad alia accingas,  
 vt, quando Erasimum vestrum ingenio æquare  
 cœpisti, numero quoque lucubrationum infe-  
 rior ne sis: dumque ætas viresque permittunt,  
 τὴν τῶν χροῶν συνέχειαν συναφείᾳ quadam καὶ ἐιρημῇ  
 velut librorum, qui nisi eruditi esse nequeunt,  
 posteris repræsentes. Vale, & Sambucum amare  
 pergito, sed minùs laudato: quis enim, quàm ego,  
 me nouit meliùs? Antuerpiæ. I I I I. Idus Februa-  
 rij. Anno M. D. LXI I I I.



Reprehendere procliue: & animum  
apertum esse debere.



Nocte satus, genitore orbus, sum nomine Momus,  
Dente Theonino singula rodo lubens:  
Fingi hominem caussor clathrato pectore; apertis  
Sensibus occultum ut nil specus ille tegat.

A 4

Rabu-



## Rabularum odium.



Grunitum suis immundi canepius & angue  
 Iras Elephas inuisum habet.  
 Obsreperos rabulas, qui litiis omnia miscent,  
 Odisse par est principem.

Gloria



Gloria immortalis labore parta.

Ad reuerendiſſ. Card. Granuellanum.



Tortilis & candam ore tenens hic termitte lauri

Ambitur anguis, & ligonem circuit.

Gloria continuos nunquam moritura labores

Sequitur, virensq; in ore vinit perpetim.

A s Impu-



Impunitas ferociæ parens.




Insultant pauida hîc natio musculi  
 Clausis muscipula carcere felibus.  
 Sublatoque metu fortè periculi  
 Crescit tunc animus degeneri insolens.

Vita



Vita mortalium vigilia.

Ad D. Viglium Zuichemum Praesidem.



Inuigilare libris, studio metirier horas,  
 Pars vita est princeps: otia vita fugit.  
 Fama vehit vigiles, sepelitque obliuio inertes:  
 Hoc liber explicitus, clepsydra, lychnus habent.

Ex



Ex pace rerum opulentia.



Aureolum dextra gestat Pax Attica Plutum,  
 Læua tenet cornu plenum ubere copia.  
 Gliscit opum satias, & rerum copia læta,  
 Pax ubi Martis triumphato viget aurea.

Quod



Quod in te est prome.  
 Ad clariss. virum Ioachimum Hopperum  
 Consil. Reg.



Rimaris tundendo sinustibi pectoris alios,  
 Et vitam soboli das Pelecane tue.  
 Perscrutare animum, quare in te quod latet intus:  
 Ingenij in lucem semina prode tui.

Calum-



## Calumniia dira pestis.



Hic radio letifero tacta, velut sidere, Paslinaca,  
 Exuitur celsa pinus deciduam luxuriam comarum.  
 Hand aliter viperco vaniloquus dente calumniator  
 Attalicas venere opes, cōditionemq; potest superbam.  
 Inui-



Inuidiæ integritas affecla.

Ad Cornelium Susium Hollandiæ Presidem.



Palma caput tollit caelo ardua, cuius ad ima  
 Rana loquax, stabulantur & hydri.  
 Oppugnant proceres, quorum via consona recto est,  
 Degeneres, atque inuida lingua.

Desi-



Desiderium spe vacuum.



Cervina potitur ravidus Leo: suspicit catellus,  
 Captatq; rictu prædani inops opimam.  
 Sic hereditatis aliena vorantibus, sed ore  
 Sicco, enenit, quos funeris trahit spes.

Impro-



Improbè Deum fatigamus, votis vt  
nostris seruiat.

*Ad Splinterum ab Hergen Eq. aur.*



*Latoiden Cadmæa Tyros deninxerat auro:*

*Gradinum tenuit compede Sparta gravem:*

*Præpete priuarunt penna Victoriæ Athinæ.*

*Quisque suis votis cogit adesse Deum.*

B

Vxo-



## Vxorix dotes.



Illaqueata sedet pedicis, pudibundaque velat  
 Vulvum Venus Spartana flammeo.  
 Vxorem castus pudor, & constantia amoris,  
 Custodia & sui laris decet.

Pru-



Prudentia cum robore coniuncta.  
 Ad clariss. virum Philippum Cebelum  
 Regium Consil.



Viribus Cyllenius integris stat  
 Iunctus cum senio gravi.  
 Reburinuctum est, sapientia si  
 Firmes: qua sine, concidet.

B 2

Prin-



Principum opes, plebis adminicula.



Pyramides Phariūm monumenta perennia Regum,  
 Errantibus circumligat hedera sequax brachiis.  
 Regum opibus firmis plebs sustentatur egena:  
 Mentisq; constans firmitas viret perenniter.

Seipsum



Seipsum vincere, palmarium.

Ad Arnoldum Sasbotum Senatorem.



Pampineis cristatus Epops, vide, ut ager ab unis,  
Munit adianti se virenter amulo.

Se Sophiae monitis mens, serua affectibus, armat:  
Temei que vires frangit abstinentia.

B 3

Cun-



Cuncta complecti velle, stultum.



ET TUTTO ABBRACCIO  
ET NVLLA STRINGO.

Ventosas pueri bullas per inane volantes  
 Prendere dum satagunt, opera exit inanis.  
 Qui varia attrectat studia, aut venatur honores  
 Ambiguos, pueris mihi stultior ille est.

Coër-



Coërcenda & extirpanda impietas.

Ad D. Iacobum Susium virum doctiss.



Hostis colubris ales insidet scepro,  
 Substrata quod Niloi equi premit terga.  
 Domat superbos, impiosque proculcat  
 Sceptrum æquitatis, noxiosque consumit.



Audito multa, loquitor pauca.



Aure concipit, parit  
 Mustela foetum postea in lucem ore.  
 Aure dicta concipe,  
 Din at recocta parcius prome ore.

Pro-



Prouidentia.  
*Ad Iacobum Endium reip. Holl.  
 caussarum vindicem.*



Quò sacer excurrat Nilus in arua,  
 Praescius, alluvie libera ponit  
 Oua, monens meritò nos Crocodilus  
 Quae fata immineant antè videre.

B 5

Exi-



Exiguo contentus, potiora sperans.



Libat rauca rosas cicada hianteis,  
 Clausas præterit vsui futuras.  
 Præsenti fruitur, suo beatus;  
 Et fatis melioribus parat se.

Eru-



Eruditionis decor concordia, merces gloria.

*Ad doctissimum Ioannem Sambucum  
Pannonium.*



Cor pedibus iunctis, rostris concordibus aurum  
Naupliade prebunt, munera sancta, grues.  
Gloria debetur studiis, atque asseda merces;  
Concordesque animos candor ubique decet.

Adu-



Adulator salutis reip. grauis.



Ut Leo, quem cæci vis lancinat effera morbi,  
 Sentit opem, si Simium edat, citam:  
 Pa ponem & dirum sycophantem qui eijcit aula,  
 Rex viru regnum vacuat grani.

Diui-



Diuina scrutari, temerarium.

Ad Cornelium Musium Delphum.



Immatura sitim Pharia arcet Palma, eadem  
Sensus prepedi, & linguam matura ligat.  
Scrutans celsa Dei mysteria, lingua, animo  
Hæret; at ille sapit qui vestibulum haud superat.

Virgi-



Virginem pudicitiae, matronam domus satagere.



Cernuus armifera præbet Draco colla Minervæ:  
 Domiportam at exierit Venus testudinem.  
 Virgo sui satagit decoris bene pronida: at uxor  
 Frangi silet, nec limen excedit domus.

Medi-



## Medici Icon.

*Ad Martinum Aedituum Medicum insignem.*

sceptriger, & lauro, baculoque instructus acerno,  
 Quid Draco, quid Gallus vult sibi, quid'ne Canis?  
 Imperat hic agris, operosaque arte medetur,  
 sedulus, & fidus, dignus honore, vigil.

Fortu-



Fortunæ instabilitas.



Stare loco nescit certo Sors lubrica, sedes

Quarere docta nonas.

Hinc pedibus mutilam, & subnixam remige penna  
Smyrna Deam posuit.

Ser-



Sermo de Deo apertus , mens sit occulta.

*Ad Ioannem Becanum Medicum clarissimum.*



*Persea fert linguae similes, sacra Isidi, frondes:*

*Typumque cordis poma turgida exprimunt.*

*Sermo index animi, de numine sentit apertè;*

*Cor caco operculo intus arcanum tegit.*

C

Prin-



Principis calamitas, priuatorum dissimilis.



Stat vidua quercus lato honore frondium,  
 Quas rapido Boreas decussit asper turbine.  
 Princeps anitum, sana cui refixerit  
 Imperium Nemesis, tuetur is gentis decus.  
 Sacer-



Sacerdos castus & animi liber.

*Ad Matthiam Herium.*



E

Quid fugitas hederam manibus contingere Flamen?  
 Solidum quid annulum atque nodosum fugis?  
 Illaqueatricem Venerem vitato sacerdos;  
 Sis liber animi, nec mali tibi conscius.

C 2

Sero



Sero detrectat onus, qui subit.



Ingo repanda colla servili effere  
 Exuere molliter paras taure irrita.  
 Serò recusat, qui capeſſiit, iugum  
 Connubiumque, munera & civilia.

Idem

Idem salutis & exitij fons.

Ad Antonium Hofslach Aduocatum.



Nos necat elleborus, capris adipem auget, auique:

Idem ignis fomes, & populator opum est.

In fontem & fontem facundia præstat eundem:

Nunc est exitium, nunc medicina salus.

inod

C 3

Cele-



Celeritatem mora, & hæc illam vicissim tēperet.



Quid scamno reses, obtendis testudinem & alas?  
 Humū hinc premis vestigio, calce hinc calū appe-  
 Temperie cunctis adhibe, remorā iniice: si sis (tis.  
 Celer nimis, velocitate tempera moram.

Boni

## Boni adulterium.

*Ad Ioannem Zurenium Harlem.*

Funesto Arachnen flos idem succo replet,  
 Apique mella sufficit liquentia.  
 Concordia litisque idem dictum est parens :  
 Scriptura pravis sica, fit scutum bonis.

C 4

Vinum



Vinum ingenij fomes.



Vniſerum Bromium, volucrem ſed præpete penna,  
 Quid tacita poſuiſtis Amycle?  
 Tollit humo ingenium Bacchus, mentem erigit altam;  
 Pegæſeque velut vehit ala.

Quæ-

Quære adolescens, vtere senex.

Ad Andream Osteranicum Splinteri filium.



Hinc dum viget, duro labore exercitus,  
 Ephebus, hinc senex beato Copie  
 Cornu fruens, opum & dapislata satur;  
 Iuuenem parare commonent, vti senem.

C

S

Vene-



## Veneris potentia



Quid Cytheræa polum fers vertice? vis mea scandis  
 Calum, & Ioni dat iura. quid papanera?  
 Sopor corda hominum quamvis fera. roscida quorsum  
 Mala? illices esse has voluptates puta.

Virtus

Virtus difficilis, sed fructuosa.

Ad clariss. Hieronymum Tennerum, Regis Danie  
Cancellarium.



Pomum in signe geris Cybeles, dura cute opertum,  
In torulis dulces cui stabulant nuclei.  
Ardua vallatur duris sapientia scrupis;  
Dulcibus ast eadem fructibus illa scatet.

Femi-



## Femina improba.



Cum ruit in Venerem, blanditur Echidna marito,  
 Mox satura insertum præscidit ore caput.  
 Improba palpatur, tentigine feruida coniunx;  
 Continuo letum poscit anhelata viri.

Malo

Malo oppressus, deterius formidat.



Clathrata cauea macerie clusa columbula  
 Incunuis aquila permetnuit carpier unguibus.  
 Formidat grauius sollicita mente periculum  
 Afflictus : capiti is rite suo consulit & rei.

Amo-



## Amoris ignis perpetuus.



Hinc tadam ut suus ignis edat teretem, vide  
 Illinc ut rapido male liquitur à rogo.  
 Vise tabet amans miser igne puellula:  
 Absens tabifico hand minus ulcere carpitur.

Lin-

Linguam compescito.



Pigram quid alium comprimis caua manu,  
 Quid vda labra, quid salax inguen Schytha?  
 Abdominis studium, & grauem luxum fuge,  
 Linguamque frena prodigam vel maximè.

Deum




Deum & ama & time.



*Mysteriis addicta Memphis ade pro sacra  
Sphingem biformem dedicavit, symbolum Dei.  
Amato numen cen piis mite, ac placabile:  
Rursus time, ut vindex inexorabile impiis.*

*Elzeus vixit, siue victrix animi æquitas*

*Ad Victorem Giselinum.*



*Vis Boreæ obnixas violento turbine sternit*

*Ornos: Arundo infracta eandem despuat.*

*Fit victor patiens animus cedendo furori:*

*Insiste, Victor, hanc viam & re, & nomine.*

**D**

**Biuium**



Biuium virtutis & vitij.



Hinc luxu compta, inde situ horrida femina pugnant  
 Alcidem in partes flectere quæque suas.  
 Nititur inculta hinc inga scandere se duce Virtus,  
 Hinc Vitium pronos mergere deliciis.

Deum

Deum odisse impudentiam.



Pernix accipiter, piscis, Nili incola dirus  
 Equus, quid ordine harent?  
 Symbolon hoc loquitur Phariæ tria verbula genti,  
 Deus odit impudentes.

D 2

Iræ



*Iræ malagma philosophia.*



Getulus Leo non sic aliud, quàm metuit  
 Tædæ flamminomam, qua rabies sæna cadit.  
 Sidit trux animus vel facibus luciferis  
 Cælestis sophiæ, aut supplicij terriculis.

Hinc

Hinc dolor; inde fuga, grauis.



DE DVOL/MI STRVGGO, ET  
DI FVGGER MI STANCO

Quid, Cerue, Cressa fixus arundine  
Laxas habenas præcipiti fuge?  
Hæc sors amantis, quem fuga concitat:  
Mentem intus exest vulnus atrox nimis.

D

3

Prin-



Princeps ne cui aures seruas præbeat.



Sublimem ære Iouis statuam, patula aure carentē,  
Sacrarat Minoïa Creta.

Principis est, regnum dextra moderantis habena,  
Seruam ne cui commodet aurem.

Amo.

## Amoris ingenui tormentum.



En ut igneum facis cornusca lumen  
 Insilit culex protervus, ac necat se.  
 Hand secus suos Amans misellus igneis  
 Persequens, crucem inuenit, suumque funus.

D 4

Vxo.



## Vxoriarum virtutes.



Testudo premitur pede; clauem dextra retentat;  
 Vacat obstruendo dentium septo altera.  
 Ne vaga discursset coniux, neu futilis esto;  
 Ipsamque cura opum tuendarum addecer.

Nec

Nec igni, nec ferro cedit.




Bipennis hinc, fax inde vinum ignem vomens,  
 Nexum adamante suo decussat annulum probè.  
 Fortis animus, constansque, victor omnium,  
 Despuit intrepidus pericula & saevas cruces.

D 5

Venter



Venter, pluma, Venus laudem fugienda sequenti.



Quò fugitina ruis, quem nūc auersata relinquis  
 Gloria clara virum?  
 Desero suffultum pluma, Venerisqūe ministrum,  
 Mancipiumqūe gula.

Veri-

Veritas tempore reuelatur, diffidio obruitur.



Quid penniger Saturne in auras virginē nudā rapis?  
 Quid feminarū cœtus ag gesta obruit terra scrobem?  
 Spectu emicantem veritatem, Temporis natā, triplex  
 Obruere pestis apparat; Lis, Inuidia, Calumnia.

Dis-



## Discordia exitialis.



Sanguineam quatiens hastam, caput horrida echidnis  
 Folle focum subigit, flamma unde fumusq; exsilit.  
 Exitiale parens animat discordia bellum,  
 Improba lingua mali, cedisq; seminarium est.

Can-

## Candor ingenuus.



Exsorbet saniem huiusmodi atra musca:  
 Mel dulce haurit apisthymo ex amaro.  
 Doctos ingenuus decere candor,  
 Obiectatio limidos putatur.

Animi



Animi scrinium seruitus.



Luscinia veris nuncia,  
Mutescit inclusa cauea.  
Est seruitus scrinium animi,  
Linguamque vinclo praeedit.

Locu-

Locuples satellitum diuitum.




Et pilis horret, tractuque obserpit Iulus  
 Arquato, ac praefert agmine mille pedes.  
 Ansati incedunt proceres, glomerantque superbos  
 Gressus; assequitur longa caterna comes.

Assi-



*Affiduitas duri victrix.*

*Ad Petrum Iunium filium.*



*Fistucas auro triplices, monumenta laboris  
 Continui, semper Susia gens coluit.  
 Assiduus labor, & sollers industria, quid non  
 Edomat? huic cedunt omnia, dura licet.*

AD

## AD LECTOREM.

QUAE ratio Athenienses olim mouit, ut cum publicis  
 execrationibus sancirent; ne quis ulli unquam via igna-  
 ro indicium denegaret; ea nos quoque adducti non nihil o-  
 pere sumpsimus in emblematum nostrorum origine, vsuque  
 ostendendo: ita tamen, ut interea quam minimum à vera  
 eorum ratione & natura recederetur. Non enim ignoramus,  
 eo plus venustatis, & gratiae istiusmodi scriptis accedere,  
 quo ingenium acunt magis; hoc est, quo suspensum diutius  
 & sollicitum Lectoris animum tenent; maioreque postea,  
 quam intelliguntur, cum voluptate in sui admirationem  
 rapiunt: praesertim cum apud subtiliterque inuenta solidi  
 quid & praecleari iucunda obscuritate, quasi obtento velo,  
 tegunt. Itaque, etsi amicorum non nulli melius legentium  
 auiditati consultum iri putarent; si unicuique symbolo sui  
 interpretatio statim subiungeretur: nos satius tamen esse iu-  
 dicauimus; ordinem plane diuersum sequi: & alteram  
 quasi operis partem ipsi facere commentarium; qui ha-  
 riolandi, coniectandique palma prius in medio posita, aut  
 bene iudicantibus deinde succinat, aut minus assequeantibus  
 facultatem intelligendi subministret, ductorisque, vel, si na-  
 placet, interpretis vicem subeat. Idem de anigmatis consi-  
 lium secuti sumus, in quibus ea quae ibi praefari sumus, ha-  
 rentem facile expedient. Vale.



MOMVS reprehensionis conuiciique Deus apud priscos fuit habitus, quando etiam vitiis, morbisque, & multis etiam pestibus sua illi præfecerunt numina. Hunc Hesiodus poëta in Theogonia Noctis filium prodidit, absque genitore: quo fit vt nonnulli secuti fidem editionis Venetæ longè omnium mendo sissimæ, lapsi sint; Somnum parentem illi attribuentes. Erroris occasionem dedit vox, *ὄν τιμι*, quæ, nemini, significat, eamque lectionem interpretes Græci agnoscunt, & sequuntur: cum alij legisse videantur, *ὄν τιμι*, id est, cui, vt referatur ad somnum; non anima luerentes, quod hunc Nocte editum fuisse dixerit, quodque incæstum matris cum filio inuecturi sint. Cur autem fabuletur Noctis filium Momum, sine patre; hanc mihi perspexisse rationem videor, tum quod vitilitigator in altissima ignorantia atque errorum caligine versetur, & luce ingenij defectus studioque aliena reprehendendi nihil ipse rectum gignat, sed emissitiis oculis aliena peruideat: tum quod ex occulta & abdita ratione illa carpendi libido nascatur. Sine patre verò, quod incerto auctore & è vulgo plerunque oriatur istud reprehendendi calumniandi que studium; quomodo vulgo conceptos dicimus, qui certum patrem demonstrare non possunt. Ob superiorem rationem etiam fuscum & coloris mustelini faciem pictura illi tribuit, additis nigris & dentibus & vnguibus; qui maledicentia symbola sunt, iuxta illud Epigrammatarij:

*Nigros contorsit linidus unguis.*

Idem alatus pingitur; quod reprehensione, ac maledictis nihil perniciosius; quæ facillimè emittuntur, citissimè excipiuntur, & quaquaversum latissimè diffunduntur, ut sensit Cicero pro Plancio. quo spectat & Alcæi versus:

*Μῶμος λαυψήσας ἐξέφυγεν ἀτρυγίας, id est,*

*Pernicies Momus pennas effugerat unus.*

Epigrammata Græca Momum effigiant senem subiecta manu fulcientem calua tempora; quæ species innuit senile plarumque esse reprehendendi vitium; eoquæ morbo laborantes vitiligatores, cogitabundorum more, meditari semper ac comminisci quod carpant. Adiungo illi & Invidiam indiuiduam comitem: hoc consilio, quod æmulatio fermè accendat foueatq; istud vitium. Fabula notissima est ex Luciani Hermotimo de sectis, quam compendio recensebo. Nata inter Palladem, Neptunum, & Vulcanum contentione; quis utilius opus commonstraret, Neptunus taurum; siue ut alij, equum velut arationi vecturæque accommodum in primis animal in medium statuit: Pallas domicilium ostendit, cuius usus contra iniurias aëris omnes inferuaret: Vulcanus fictum hominem pro facilè præstantissimo opere exhibuit. Delectus arbiter Momus, præter alia quæ carpsit, caussatus fuit in hominis opificio præteritos fuisse ab artifice clathros, seu fenestellas, pectoris parieti inferendos; per quos, ne quid occultum lateret intus, introspici posset. Idem etiam Veneris sandalium.



vt argutum nimis atque loquax, calumniatus  
fuisse legitur. Porro nihil in vita mortalium tam  
numeris omnibus absolutum, tam doctum, tam  
rectè factum inuenias, quod non, innatus Mo-  
mis quibusdam, calumniandi & carpendi mor-  
bus conuellat, aut saltem incessat: adeo procli-  
uius fuit sæculis omnibus, *κακίῳ ἢ μωρίῳ*, id  
est, Momum quàm minus agere. Itaque tum  
hunc ad sensum refertur Emblemata, quod repre-  
hensionem obnoxia sint omnia: tum etiam ad id  
quod prudentissimè doctissimequè dictum à So-  
crate memorat Vitruuius: oportuisse hominum  
pectora fenestrata & aperta esse; ne occultos ha-  
berent animorum sensus; sed ad considerandum  
patentes: siquidem corde nihil sinuosius, nihil  
insidiosius fabricata est natura, vt solius Dei sit  
sensus & cogitata hominis inspicere atque per-  
nosse.

*Pictura.* Senex pingatur caluus, colore fusco, liui-  
dis dentibus vnguibusquè, alis supra humeros  
exstantibus, læua caput sustentans cogitabundi  
in morem, dextræ indice extento versus effigiẽ  
quandam hominis, clathratum pectus habentẽ:  
adstant procul Pallas cum domicilio: Neptunus  
cum equo: proximè illum Vulcanus cum ho-  
mine suo, ita vt simulachrum hominis clathratũ  
diuersum sit ab homine Vulcani, velut Momo  
designante, talem oportuisse fingi. Quod ad pi-  
cturam Deorum attinet, ita semel statuo: Ne-  
ptunus nudus pingatur, capillitio cæruleo, altera  
tridentem complexus, altera manu equum ha-  
bena

benā tenens, pede delphinum premens. Vulcanus  
atro colore vt faber, rugosus propter assiduos ad  
incudem labores, læua malleum tenens, dextra  
hominem à se fictum commonstrans, claudus,  
capite præferens pileum caruleum, cuiusmodi  
fermè figura spectatur Ducis Veneti tiara. Palla-  
dis effigiem dabo Emblemate. 15

## Emblema. II.

*Carmen est Heroicum cum dimetro Iambico, quale  
illud Horatij :*

Nox erat, & cælo fulgebat luna sereno  
Inter minora sidera.

S v s animal est infestissimum Elephanto, vs-  
que adeo vt vel solo illius stridore atque grunni-  
tū audito, immanis illa bellua in fugam agatur;  
id quod hostilia tela facere nequirent : vnde in-  
fūllū illud Mahometi, plani & impostoris per-  
ditissimi, commentū, risum quibusuis cōmouere  
possit, prodentis olim diluuij tempore in arca  
Noæ suem elephanti sterquilinio genituræ suæ  
originem acceptam referte, vt ex eius fimo ena-  
tum. Sed vt hoc ridiculum, quippe ab homine  
rerum naturæ ignaro proditum; ita illud confir-  
mat auctorum vnanimis consensus : siquidem  
præter Plinium, Orum, Zoroastrem, Senecam,  
Aelianus libro de animantibus primo, suis stri-  
dore minimo terreri elephantum locuples testis  
est: qua ratione cognita Romani commissio cum  
Pyrrho Epirotarum rege prælio, victores exsti-  
tere; cū elephantēs eius regis obiectis suis  
in fugam compulissent. Memorabile adeo est



nec silentio obliterandum, quod à Megarensibus factum proditur, eodem auctore lib. 16. c. 36. quod cum ea vrbs arctissima obsidione ab Antipatro Macedone pressa, acerrimè oppugnaretur; oppidani sues liquida pice perlitos prius, admodumque flamma succensos in hostilem exercitum immisere; qui depascente iam illorum corpora incendio, latè grassantes, ac horribili stridore in confertū elephantorū agmen delatī, belluas velut in rabiem cōcitas disturbatis ordinibus in fugam verterunt. Huc faciunt verba historici, quæ nobis integra seruauit Suidas in hunc sensum; E vestigio appensa de turri sue, periculum quod ab elephante ingruerat, euitarunt. siquidem atrocem grunnitum cum mox edidisset suspensus porcus, elephas id non ferens inhorruit. Illud verò tanquam controuersum ambigi potest, natium'ne sit quoddam atque intestinum inter hæc animalia dissidium, cuius caussa mortalium ingenijs sit incognita; an quod raucum illum stridorem, vocemque auribus asperam natura exhorrescant, cuius rei gnari, qui pullos elephantum educant, iam inde à primis annis sues adhibent vt assuetudine paulatim mali illud vincant. D. Amb. in Hexaëmero videtur istud referre ad prerogatiuam quandā à natura singulis animati bus donatam. Suibus aptissimè comparantur non insulsi modò, & à Minerva alieni homines; verum vel maximè lingulacæ, & à rabie non malè dicti rabulæ, qui cælum terræ miscent: Item parasiti, quibus similiter, vt suis

bus, anima pro sale data videri potest: quod olim venustè dixit Cleanthes: qui omnes si à regibus exfularent, rectius cum rebus humanis ageretur. Pictura poscit elephantem auerso capite, & crispata promuscide fastidiosum: Suem contrà elephanto impudenter obsistentem, ac retracto rictu grunnitum mentientem.

Emblema. III.

EMBLEMA, nisi fallor ab Illustrissimo Cardinali Granuellano ANTONIO PERENOTTO usurpatum, elegans cum primis, & illustri laborum eius, virtutumque heroicarum affecla, recteque factorum comite Gloria dignissimum. Videtur autem heros ille, cum omni posteritate nominis sui memoriam qui adæquauit, innuere voluisse, ingentes, ne dicam perpetuos esse exantlandos labores, Herculis ritu, ei qui adspiret ad amplissimum illud virtutis præmium, Gloriam videlicet; quæ concors est & consentiens bonorum rectè iudicantium atque incorrupta laus, eaque perennis; quæ cum vitæ breuitatem, tum iuges laborum periculorumque molestias, sempiterna posteritatis commemoratione solatur, hominibusque per suos veluti gradus ab humo in cælum adscensum præbet; usque adeò illa altissimi cuiusq; & optimi animum noctes diesq; exstimulat, accendit, atque concitat, vt per labores ad honestissimum illum veræ virtutis fru-



ctum, eundemque immortalem peruat: (nimirum exfulat hinc popularis illa fama, adumbrata quædam illius imago.) Sic ante Salaminem ipsam à mari obrutum iri hariolatur non falsus Cicero, quàm Salaminij tropæi, quod Themistocles crexerat, memoriam: priusque Leuctra Bœotiae funditus interitura, quam Leuctricæ victoriæ, duce Epaminonda partæ gloriam. Neq; verò huius loci est, aut temporis effusioribus habenis in istius herois labores, atque inde natam mox gloriam prouehi; cum singularibus ea commentariis debeantur. Pictura autem passim obuia est, vbi ligonem, qui fodiat orbem terrarum, anguis mordicus suam caudam ore tenens circumplectitur: eumque ipsum serpentem laurea corolla medium ambit.

## Emblema. I I I I.

*Carmen est Asclepiadeum monocolon, quale est illud Horatii:*

Maecenas atavis edite regibus.

NATIVVM diffidium atque internecinum bellum esse Feli, cum fugace Murium gente, usqueadeo ut etiam cinere eius animalis diluto fugari abigique mures sit proditum, nemo est qui ignorat: nimirum à Natura doctam videmus, suspensis alto silentio vestigiis, occultoque speculatu, & certo caudæ quam vibrat libramine, in musculos exilire: ut nunc inanem ac superuacuum sim collocaturus operam, si in re clarissima disertus esse velim. Monet autem symbolum, cuius meminit Suidas, nimia licentia & impu-

impunitate proposita inolescere homines. Metus supplicij scelerosos in officio continet : quo amoto aut negligentius obito , increfcit ferocia & fccleratè agendi libido. Veriffimè dictum eft in Miloniana, maximam illecebram effe peccandi, impunitatis fpem. Pictura postulat geminas mufcipulas , quibus inclufæ fint feles , murium agmine liberè choræas circumquaque ducente.

Emblema. v.

N o n hîc de ea vigilia nobis fermo eft, quam toto triennio pallus fuiffè legitur immortalis ille omnium fcriptis Mæcenas, qui Somni molliciem nullis potuit libaminibus , nullis victimis flectere : fed de ea quæ Demofthenem coryphæum & principem oratorum fecit , qua antelucanas fabrorum operas præuertere magna cum ambitione confueuerat : Sed de ea qua Iulianus Imperator noctes difpartitus fuit in triplicia officia, quietis nimirum, Reipub. & Mufarum : Sed de ea qua Alexander magnus fubiecta brachio ænea concha, tinnitu complofæ peluis, vbi pilam argenteam manu tractatam remiferant nerui fopore laxati , euigilare solebat : Sed de ea quam reuera vitam vocat Plinius; quæ in iis præcipuè viget , in quibus animus inquiet opere pafcitur : id quod de te dici patientibus auribus nō abnues, Vigli vigilantiffime, qua duce tot prouinciarum commodis affiduè inuigilafti haftenus non fine valetudinis difpendio : qua tot iam annis magna cum laude Præfidem confilij egifti , partaque immortalî gloria tibi tuisque eam facè præluxifti,

E s cuius



cuius nunquam intermoriturus sit fulgor, eodem, quo orbis terrarū, termino inclusus. Proinde, qui veræ gloriæ amore ducimur, id nos opes summa contendere decet; ut & Reip. & in commune consulendo, testemur nos pluribus horis vixisse, & Somno temporis furi, aut (ut Ariston aiebat) publicano mediam vitæ partem interuertenti, portionem deduxisse. Frugi nanque temporis cum laude dispensatores, à morte etiam fax immortalis, veræ virtutis assecla gloria, nunquam extinguenda comitatur. Symbolum Viglij vulgarissimum pingendum erit, quo hinc liber explicitus diligentiae, illinc clepsydra temporis parcè admetiendi argumento, atque horum in medio lychnuchus cum ardente face, posthumæ gloriæ testimonio, libitinæ imposita simul omnia exprimenda venient.

## Emblema. VI.

*Hexametrum est carmen cum Dactylico Simonideo, pentametro acatalectico, quale memoratur illud à Servio Honorato.*

Parthenopæus erat, puer Arcadiæ decus.

PAVSANIAS in Atticis scribit Athenis exstare Pacis simulachrum, Plutum filium gestantis: quod iterum reperit in Bœoticis, ingeniosè fabrefactum à Cephisodoto statuaria scribens. Est autem Plutus siue Pluto diuitiarum deus: quanquam diuersissimos hos esse annotat Lilius Gyraldus, manifesti erroris cōuictus vel ipso Pausania iudice: apud quem priore loco Πλούτων & παῖδα legas: posteriore Πλούτων, eodem sensu. Siqui-

EMBLEMA VII.

79

Siquidem Plutonium ideo præfecit diuitiis antiquitas, quòd ex imis terræ visceribus: imò ab ipsis inferis petantur opes. Non absimili ratione Thebis primaria Bœotiae vrbe, Fortunæ statuam positam legimus apud eundem auctorem, Plutum puerum gestantis, innuere volente artifice, Fortunam matrem esse aut alumnam diuitiarum. Quod ad picturam attinet: Pax femina pingitur nitido vultu, adpectu pulchra, oleagina corolla redimita, læua Amaltheæ cornu omni fructuum genere redundans, dextra Plutum puerum tenēs, claro symbolo, quòd non è bello, sed beneficio pacis crescant opes. Plutus autem puer pingitur volucer, aureus totus, oculatus, teste Philostrato in Imaginibus: nā cæci Pluti significatio, vt ominosior, ab hoc loco excludenda est.

Emblema. VII.

PELECANVM, quem à rostri magnitudine *πέλεκτος* nominat auctor *κοιρανίδης* anonimus, auem paludibus Aegypti peculiarem tradit, prolis suæ amantissimam, quæ pullorum suorum proteruiam atque impietatem merita morte vltra, mox facti poenitens, pertuso latere suo, pullos mortuos vitali sanguine, quo animantur, irrorat: quod ipsum præter Isidorum commemorat D. Hieronymus, non eadem tamen fide; quippe qui pullis à serpentibus enectis id officij præstari dicant, cum ille ad iniuriam parenti illatam hoc referat. Nihil verum ingenuè literatum magis addecet; quàm citra omnem dissimulationem nihil occultum premere, quod  
vsi



vsui & commodo esse queat; ita se suas que opes  
 commodare, vt appareat effusum benigni-  
 tatis sinum nulli, nisi prorsus à Gratiarum limi-  
 ne peregrinus ille sit, claudere velle. Callimachus  
 Hecalen *φιλοζενίας ἀνδρῶν οὐ σέγας* habuisse testatur.  
 Cimonis Atheniensis ædes Laciadis suis patueri:  
 Musarum fores semper apertæ etiam, prouer-  
 bio teste, innotuerunt: Vir & litteris & humani-  
 tatis artibus imbutus, vt illic; ita hîc quod amu-  
 letur gnauiter, inuenit: vt nedum benignitate  
 priuatim commodus sit; sed et officijs publicè,  
 vt Reipub. literariæ, vt patriæ, vt amicis, vt vi-  
 ris bonis prosit. Is itaque penetralia rimatur  
 sua, nihil abscondit, ingenij dotes, quæ varias  
 ad res à munificentissimo bonorum largitore  
 Deo unicuique tributæ sunt, non modò non  
 supprimit, sed claram in lucem profert, totum  
 se denique effundit. Talem te, Hoppere Iu-  
 reconconsultorum coryphæe, præstas communi pa-  
 triæ, talem amici agnoscunt, talem te Respub.  
 literaria sensit: & nisi concatenatorum labo-  
 rum, otium illud Musis sacrum interpellan-  
 tium, circulus, Principum curis inuoluisset, lo-  
 cupletius sentiret, immortalibus fœcundissimi  
 ingenij fructibus fruitura. Picturæ ratio notior  
 est, quàm vt in ea operam colloquem explicanda.

## Emblema V I I I.

*Carmen est Choriambicum, Callimachium, constāstetra-  
 metro & amphibrachy siue bacchio, quale est illud.  
 Armipotens Mars genitor Romulida, te venias  
 precamur.*

PASTINACA is piscis est, quem Græci  
 τρυγωνα: interpretes plerique omnes Turturem  
 perperam appellant: Hollandis nostratibus, ab-  
 aculeata iaculi in modum cauda, pylstaert nomi-  
 natur. huius radius (aculeum ita vocat Plinius)  
 tam letalem presentaneique veneni vim habet, ut  
 arboris quantumvis ramosæ, ac vegetæ, & amœ-  
 nissimo frondium virore florentis caudici infixus  
 mox folia defluere faciat: quò amisso honore,  
 truncus quoque celerrimè exarescit, neque mul-  
 tò post sideratæ, atque è solis immenso ardore,  
 folique squalore exsiccatae arbor fit similis. Pli-  
 nius lib. 9. cap. 48. & lib. 32. cap. 2. huiusce  
 rei fidem facit, nullum vsquam execrabilius  
 venenum esse asserens, quàm sit radius in cauda  
 pastinacæ eminens, qui radici infixus arbores  
 necet. hoc telo patrem Vlyssæm interemit Tele-  
 gonus, accepto à Circe matre exitij indicio:  
 quam rem graphicè describit Oppianus in Ha-  
 lieuticis, in hanc fermè sententiam vtcunque  
 versibus à me expressam.

*Nil Trigonis diro radio exitialis vsquam est:*

*Martia non tela, aut nigri quæ lacte veneni*

*Spicula Achamenidum tinxit gens aspera bello,*

*Vbere stet quamvis fœtu, & frondentibus arbor*

*Luxuriet ramis, vernoque vire scat honore;*

*Vulnere si tristi radicem punxeris imam,*

*Mox labat omnis honos, coma defluit, ipsa decorem*

*Exuit hinc viridem crudeli saucia tabe.*

Non minùs præsens virus habet exitialis ac pe-  
 stifera delatoris lingua; quæ florentes dignitati-  
 bus



bus euerteré , fortunisque omnibus exutos , ad incitas redigere potest . Pingatur itaque prius florens, eiusque trunco affixa adhereat pastinaca: sed ita ut radius ille, de quo diximus, caudici impressus clarè videri queat.

## Emblema. IX,

*Carmen est Heroicum Archilochio tetrametro catalectico comitatum.*

PLUTARCHVS in libro , quem de silentibus Pythiæ oraculis scripsit, commemorat Corinthi in Oeco ( quod ædificium à Cypsello tyranno consecratum fuerat ) inter templi anathemata exstitisse Palmam æneam , cuius ad radices insculptæ visebantur ranæ & natrices , hydros vocant. Emblemate isto , tametsi ad diuersum sensum ibi torqueatur à Diogeniano , innui existimo , à vitilitigatoribus ( libenter enim Cato- niana voce cum Plinio vtor ) obstreperis ac maledicis inuidorum linguis, exitiali veneno armatis, impeti illorum vitas, qui non obliqua, sed recta ratione ad dignitates rerumq; fastigia emergunt, dissimiles Ruffini, Eutropij, eiusque farinae aliorum, prauis artibus diuitias & honores aucupantium: quorum conatus omnes cò tendunt, ut euerfos fortunis omnibus exuant probos & innocentes homines, cum isti innocentia sua freti, calumniatorum latratus & inuidorum molimina sublimes facillè despuant . Palma ardua, primæque nobilitatis arbor est , onerumque grauium victrix, frondibus nunquam viduas; quæ opibus honoribusque pollentes aptissime expri-

exprimit : cuius ad radices positæ visuntur ranæ  
(quarū rauca illa & odiosa coaxatio nulli igno-  
ta, calumniatorum significationem haud dubiam  
habet) & hydri, nullis serpentium veneno infe-  
riores, si Plinio credimus : per quos virulentus  
inuidorum alienam famam incessentium sibilus  
denotatur.

Emblema x.

*Logædicum Archilochium, Ithyphallicum Marius Plo-  
tius nominat, cuiusmodi est illud Flacci:*

Soluitur acris hyems grata vice veris & fauoni,  
Trahuntq; siccæ machinæ carinas.

PINGATUR Leo otiosè recubans in gra-  
mine non præcul ab armento pascente, raptæ  
prædæ mordicus inhærens: ita enim solet ex om-  
ni numero, quantumvis ingenti fame stimuletur,  
vnum pecus diripere comedendum : adstet illi  
Canis limis feram suspectans, & prædam ingra-  
tis (quod dicitur) oculis frustra deuorans. Sym-  
bolum optimè quadrat in hæredipetas, qui alic-  
nis funeribus inhiant, & per mortes incerta spe  
bona aliena captant, sæpius delusi, vt iuuenis ille  
apud Lucianum in dialogis, quem mors inopina  
ante senem, cuius funeri propter summas opes  
imminebat, rapuerat. Competit & in quosuis, qui  
ambitu tenentur, & sacerdotia aut honores, ab alijs  
possessos venantur.

Emblema xi.

MEMORIAE proditum est à Diodoro Si-  
culo Bibliothecæ decimo septimo, & à Q. Cur-  
rio, Tyrios eximia religione coluisse Apollinen :  
cuius



cuius numē sibi tutelare vt propitiarent, sibi que modis omnibus conciliarent, tempore obsidionis, quam grauem & funestam ab Alexandro Magno experti sunt, simulachrum eius Dei aurea catena basi columnæ, cui insistebat, alligasse, vt ille scribit; aut vt alter, aræ Herculis vinculum illud inseruisse, velut illo Deo Apollinem retenturos. Similiter Pausanias in Laconicis refert, peruetustum Spartæ exstare simulachrum Martis compedibus irretiti, quo vinculo proprium sibi ac Reipublicæ perpetuum bellatorem illum Deum, nec vnquam suæ vr- bis desertorem futurum, velut in peculio obligatum, voluerunt. Neque aliorum Victoriæ deam, cui pennas dedit, volucremque finxit antiquitas, ἄπτερον, inuolucrum, alisque orbam & fano & statua decorarunt Athenienses, augurantes perennem ipsis fore Deæ præsentiam, negatis illi alis quibus auolaret. Gentilitatis deliræ somnium istud fuit, nimis quam superstitiosum, existimantis quali quali honoris obsequiique lenocinio, Deum in vora nostra, eaque perfunctoria & inutilia pellici, ad modum pueritiæ, quæ crepundiis deliniri capi- que solet; atque ita in ordinē cogi posse. Quare stultum est, ne dicam impium ac profanū, putare diuinum numen toti mortalitati iuuandæ comparatum, tam pusillum esse & otiosum, vt palpationibus tantum non nostris ac veluti poppy-smis titillationibusque cedat et expugnetur. Pingantur tres isti dii seorsum in templis concameratis,  
Apollo

Apollo catena aurea colūnæ alligatus: cetera peculiaria indicia Fulgentius & Cornutus ista tradunt; nempe vt pingatur iuuenis, imberbis, capillo promisso aureoq; , laureo ferto redimitus, cū arcu & sagittis in dextra, citharam tenens læua , cum Coruo aue illi sacra adstante . Mars sit compedibus vinctus, alioqui loricatus, galeatus, pugione accinctus, flagellum manu tenens, vt Albericus philosophus scribit ; altera clypeum, nudo pectore , vt Isidoro placet, cum lupo animali ipsi sacro , aut gallo , secundum alios . Victoria, quam apteron , id est inuolucrum dixerunt Athenienses , pingatur sine alis , virago , vt solet, dextra manu punicum malum tenens, læua cassidem: nam hac specie colebatur Athenis , vt Heliodori testimonio cōfirmat Harpocratio: posteri deinde sculptores alas illi iunxerunt , nimirum Bupalus pater Anthemus; aut, vti Aristophanis scholiastes vult, Aglaophon Thasius pictor ; quam alis aureis ornat Comicus Aristophanes illo versiculo:

*Αὐτὴν ἀπέραιται νίκη πτερυγίων χρυσοῖν.*

Mox aureis pennis volat Victoria. Exstitit & Romæ simulachrum Victoriæ alis viduum, quæ cælitus tactæ defluerant ; in quod Pompeij titulo epigramma legitur , in hanc sententiam:

Roma caput rerum , nunquam tua gloria obibit :

Nam victrix Dea te haud deseret inuolucris.

Emblema XII.

Carmen est hexametrum , cui associatur Alemanium constans trimetro brachycatalectico, vt est illud:

Spernis decoræ virginis toros.

F

SPARTAE



S P A R T A E in templo Veneris armatae contignationem fuisse extructam, quæ Veneris cognomento Morphus, à forma (vt apparet) dicta, numini fuerat, sacrata memorat in Laconicis Pausanias: simulacrum erat ex cedro factum, sedentis habitu, compedibus vinctæ, caput obnubente flammeo, siue calyptra; addit Tyndareum Dioscurorum patrem pedicas illas adiungi curauisse, fidei symbolo, quam maritis deberent vxores arctissimam: tametsi illius infelicitas in filiabus prostituta pudicitia macula famosis, à Stesichoro Lyrico prodita, satisque decantata est. Porro compedes indissolubilis vinculi coniugalis & arctissimi amoris significationem habent. Flammeum verò (quod luteum est capitis velamentum) & pudoris argumento capiti imponitur, & fausti ominis ergò, ceu connubij indissolubilis. Illud de pudore declarat Claudianus in raptu Proserpine, ibi:

*Flammea sollicitum praelatura pudorem.*

&. Lucanus Pharsalidos lib. 2.

*Non timidum nupta leuiter tectura pudorem*

*Lutea demissos velarunt flammea vultus.*

Postremum confirmat flammei vsus assiduis flaminis vxori, cui diuortium facere nulla ratione leges permittebant. Sedens autem meritò pingitur, vagæ Veneris odium insinuans. Pingatur Venus subsellio insidens, pedicis constricta, vultu flammeo obtecto, nuda, dextra Cupidinem videntem complexa, sinistra tria mala aurea ferens: adstent illi geminae columbæ aues illi sacrae,  
Cornuto

Cornuto teste, cum propter puritatem, tum propter illices blanditias, quatum indicium facit frequens harum auium suauitatio: nihil autem magis decere honestam matronam, quam velatam conspici, vult D. Clemens Alexandrinus, exemplo Creusæ vxoris Aeneæ, quæ ardente iam patria non dum abiecerat curam velaminis.

## Emblema. XIII.

*Carmen est Sapphicum prepositum Gliconio, quale illud Boetij:*

Cum polo Phæbus roseis quadrigis  
Lucem spargere cœperit.

SYNOPSIS libro de regno administrando ad Arcadium, vel, vti Nicephorus vult, ad Theodosium iuniorem scripto, negans in viribus solis positam esse felicitatem principis, eam prædicat esse absolutam omnibus numeris vitam, quæ potentiam prudentiæ consociat; quæ res coniunctæ robur inexpugnabile conciliant; disiunctæ verò inualidum & inutile: quando videlicet aut robur prudentia sit destitutum, aut prudentia viribus defecta. Quapropter, inquit, sapientes Aegyptios in hoc sum admiratus frequenter, qui geminum Mercurij simulachrum simul constituunt; alterum iuuenta florentis, alterum maturo senio venerandi: volentes innuere, eum qui rectè Rempub. aut regnum sit administraturus, coniunctam cum prudentia fortitudinem habere debere, quasi alterutrum inutile sit absque alterius ope. Neque alia de causâ Sphinx apud illos pro templorū foribus posita visitur, & quæ



sequuntur infra x l i i . emblemate recitata. Huc spectat Hor. illud: lib. 3. Ode 4.

*Vis consilij expers mole ruit sua.*

*Vim temperatam Dñ quoque prouehunt*

*In mains : ñdem odere vires*

*Omne nefas animo mouentes.*

Eandem sententiam comprobat Isocrates ad Demonicum scribens: Robur cum prudentia coniunctum prodest, qua sine plus habeti incommodat. Quod ipsum & Milonis Crotoniatæ exitus abundè docuit.

Emblema. x i i i i .

Hexametrum versum sequitur Aristophanium metrum tetrametro brachycata lectico absolutum; seu tetrametrum Colurum: ita namque à Mario Plotio, cuius libellum de metris aliquando inuulgabimus, nominatur, quale est illud:

Maicent lucernæ, sol propinquat, non tamen vocas.

P Y R A M I D E S, quas otiosam ac stultam regum Aegyptiorum pecuniæ ostentationem nominat Plinius, vastæ fuerunt & insanæ substructionum moles, aliquot soli iugera complexæ, partibus fermè quatuor angulorum lateribus ab imo in acumen desinentes, sic dictæ, quòd in ignis speciem, in conum extenuentur; quarum fastigiata excelsitas paullatim gracilescens, umbras quoque consumit, vt præter Solinum, Ammianus scribit lib. 2.2. Fuisse eas regum Aegypti monumenta, & inter septem orbis miracula habitas tradit geographus Strabo. Quia verò inconcussa

conculsa vel maximè, stabilissimâque inter omnes figuras figura quadrangula, Galeno teste, habetur, hinc est quod monarcharum aut regum fortunas huic comparari appositè credam: aut etiam constantis animi virum; qualè describit Q. Catulum Cicero, quem neq; periculi tempestas, neque honoris aura potuit vnquam de suo cursu, aut spe, aut metu dimouere. Priori rationi hedera aptè conuenit, vtpote sese ipsa sustinere prorsumque serpere impotens, ni pedamenti adminiculo vratur, ac flagellis suam muniat imbecillitatem: talis est plebis ac minoris conditionis hominum status, quibus principum opes fulcimento sunt & ornamento. Neque posteriori rationi absonus est viuax & perennis huius plantæ viror: quippe cum magnanimi et fortis viri, qui humana omnia premit, & ad omnes casus infractum gerit animum, laus cum æternitate ceter, perpetuò victura. Diuersa planè hinc ratio est hederæ arborem scandentis, vt quæ solet succum virésque illius omnes in se rapere ac demum enecare: quod in eos quadrat qui alienas opes sub titulo & prætextu patrocini in se corriuant, atque emungunt. Aliter etiam Marcellinus lib. 15. hederæ comparisonem ad opulentos transtulit, apud Imperatorem delatos, qui præsidia potiorum pulsabant, iisdemque tanquam hederæ excelsis arboribus adhærentes, absolutionem precibus mercabantur. Sunt qui emblematis huius significationem calumniati, ad creandam principi cuidam viro, qui hoc symbolo vtitur,



inuidiam, eius sensum aliò detorserunt; velut qui circumfessum tenuerit Galliarum Regem & hederæ instar circumplicatum, ne quis ad eum pateret aditus sine ipsius assensu. Sed istud quid aliud est, quàm genuinum emblematis sensum corrumpere, atque peruertere, & animam illi adimere?

## Emblema xv.

*Heroicum cum Iambico trimetro.*

V P V P A auis est cristara, plumis in capite instar cristæ plicatilis subrectis, quam Galli, *vue hupe* appellant: Hanc scribit Orus, vbi senserit ex vuarum, quas appetit summopere, esu nimio noxã se incurrisse, decerpta adianto herba, quam officinæ capillam Veneris nuncupant, mederi sibi, ramulumque eius herbæ ore circumferentem, obambulare. Quibus temulentia valetudinē concussit atq; labefactauit, ij abstinentiæ ramulo se lustrent. Qui affectibus violentis tyrannis, aut (vt voluit Plato) loris restibusve nos vltro citroque in diuersos motus trahentibus, obnoxij sunt; ij à diuinis placitis & verbo diuino remedium petant, & mentem, quæ passionibus illis animi turbidis, tanquam regina quæpiam imperare debet, obmuniant: quæ victoria primaria est & potissima, seipsum vincere. Qui peccata sua ritè expiari cupiunt, lustrent se lachrymarum adspergine & immerfabili poenitudinis ramulo.

Emblema

## Emblema XVI.

*Metrum hexametrum, cui subiungitur dactylicum Stesichorium, à Stesichoro, cui familiare fuit, nomen sortitum, constans pentimetro acalectico; quale est illud à Mario Honorato recensitum,*

*Marsya cede Deo, tua carmine flebis.*

PINGATUR puerorum grex geminus, quorum altera pars bullas siue pompholygas è conchylio (in quo smegma, quem saponem dicimus, cum momento aquæ commistum sit) in aëra difflet: altera easdem iridis in modum discoloris & purpurascens sectetur atque comprehendere studeat; sub quorum pedibus non male subscribi possit diuerbium illud Italis in ore frequens, ET TVTO ABBRACCIO ET NVLLA STRINGO. Nemo nescit, bulla nihil esse vanius, aut inanius, comparata illi iam olim caducæ mortalitatis umbra. Itaque quadrabit aptissimè in eos qui diuersis artibus scientiisue animum adiiciunt simul, varia in studia distracti: aut qui pluribus muniis honoribusq; simul inhiât aut quacunq; tandem in re insatiabili animo nusquam satis facientes huc illuc nutant. hi namque parum proficiunt, suaq; spe elusi sæpenumero discedût.

## Emblema. XVII.

HIPPOPOTAMI impietatem immanem esse, monumentis litterarum proditum est à veteribus; adeò vt ne patri quidem, per quem vitæ vsuram accepit, parcat; qua de re etiam alibi scripsi. At ciconiam serpentium certissimum esse



exitium nemo infitias iuerit qui eam longis colubris inuisam dici Virgilio didicerit: quæ de causâ necasse ciconiam capitalis noxia fuit apud Thessalos, quòd eorum regio prouentu serpentium abundaret, si Plinio credimus. Sceptrum verò gestamen Regum, qui priscis sæculis iudices erant causarum; ac proinde etiam iustitiæ dicatum fuit. Quo symbolo indicatur impietatem (quæ vitiorum omnium fundamentum est, & qua flagitia ac scelera omnia continentur) coërcendam esse & vindice gladio castigandam, atque è medio tollendam, non secus quàm à ciconiis solet serpentium genus. Res per se clara est.

Equo fluuiatili in dorso erigatur Sceptrum, cui ciconia insistat.

## Emblema XVIII.

*Metrum est Archilochium acatalecticum, comitatum Iambico Hipponactio, cuiusmodi est illud Flacci:*

Nonebur, neque aureum

Mea renidet in domo lacunar.

MUSTELAM (inquit Plutarchus libro de Iside & Osiri) plerique arbitrantur & affirmant per aurem initum pati atque concipere, sed ore partum edere, natalium sermonis quadam similitudine. Anaxagoras, alijque nonnulli physici prodiderunt Mustelam pariter & Ibin ore parere; teste Aristotele libro de generatione animalium tertio, cap. 6. quorum sententiam illic conuellit. Aristes ut istud ipsum cõfirmat; ita paululū detorquet symboli explicationē, sic enim

sic enim sonant eius verba .Mustela auribus concipit, quod ore parturit: itaque eius esu interdictum est Leuit. 11. Iudæis; vt hoc symbolo insinuaretur, perniciosissimū esse homini morē, quod, quæ auribus acceperit, eadem verbis exaggerans maioribus malis inuoluat.

Hugo Card. in superiorem Leuitici locum euariat nonnihil à prædicta opinione; siquidem mustelam marem ore generare; feminam aure concipere annotat. quā fideliter, ipse viderit. Orus etiam mustelum piscem huic cognominem ore parere scribit: similiter & Zetzes.

Huc allusum videtur à Lycophrone in Alexandra tenebrosissimo poëmate, cū Medusam Gorgonem appellat *δερόπαιδα γαλήν*, id est, Mustelam iuguliparam, velut collopuerperam, propter fabulam, quæ fingit Grysaorem & Pegasus è ceruice eius exstitisse, truncato illius capite. Ad symbolum faciunt Epicteti verba admonentis à natura mortalibus vnicam datam esse linguam, aures geminas; vt loquendis audita duplo sint plura. Demonactis apud Lucianum documentum est, auribus sæpius quā lingua vtendum.

Epaminondas à Pindaro laudatur hoc nomine, q̄ haud facilè alter inueniretur, qui plura sciret ac pauciora loqueretur. Picturæ ratio per se euidēs est.

Emblema XIX.

*Alcmanium est dactylicum tetrametrum hypercatalecticum, simile secundo Boëtij carmini, cuius initium:*

Heu quā præcipiti mersa profundo.



CROCODILVS, cui à croci metu nomen est, exitiale malum, quadrupes, vtroque elemento infestum & terra & flumine, linguæ expers, dentibus ferratis, eorumque ordine pectinatim se stipante, maxilla inferiore immobili, vnguibus immanibus, cute adeò inuicta, vt ictus tormento quouis, adactos eludat atque reperiuriat: tergoe metatur locū nido præ diuinatione quadam & naturali providentia eum diligens, ad quem summus Nili auctus eo anno sit accessurus: neque alibi incubat oua, quæ candida sunt anserinis similia. hæc de Crocodilo ex Plinio lib. 8. ca. 25. Solino cap. 45. Marcellino lib. 22. & Herodoti Euterpe. Addit Plutarchus libro de Iside, Aegyptios certum coniecere Nili incrementi terminum ibi fore, vbi oua excluderit femina: nam, cum in humido fouere nequeant Crocodili, & procul à fluminis alueo parere metuant, ita exactè præsentunt naturæ tacito instinctu quod futurum est, vt accessu fluuij in pariendo, incubandoque (quod alternis obseruant mas & femina) vtantur, atque ita oua arida & inhumecta conseruent. Monemur prudenter rerum satagere, longeque antè consultare atque videre, quàm quid statuamus aur agamus.

## Emblema xx.

*Carmen est Phalecium à Phaleco inuentore sic nūcupatum, quod & hendecasyllabum à syllabarum numero, quale illud Martialis.*

*Vitam quæ faciunt beatiorē.*

CICADA insectum est, quod rorem lambendo viuit, nec alterius alimoniae indigum, canru se oblectat. Pingi possunt plures cicadae, quae flosculos (qui ad ornatum varij pingantur) dehiscentes, & explicitos, rore madidos, aduolitent ac depascent; à ceteris, qui etiam intra calyces suos siue alabastris abditis latent, abstineant. Qui sua sorte, licet exigua, contenti sunt, bonis praesentibus fruuntur: liberali interim spe ducti, fore, ut aut industria aliquid adiciat, aut principum liberalitate accedat, aut hereditas portum ostendat; quod omne lucro deputant, & veluti probe sibi feneratum pretereunt. Non dissimum hinc est Italicum hendecasyllabum.

*Di questo mi contento & meglio spero.*

Emblema XXI.

INSIGNIUM vsus peruetustus est, quando Anubin & Macedona; Osiriæ filios, armorum insignibus vsos fuisse iam tum memorie prodidit Diodorus, canis exuuiò alterum, lupi rostro alterum, tanquam animalibus ab ipsorum natura non alienis. sic Tideus apud Aeschylum in clipeo depictum praefert caelum stellatum cum luna medium umbram occupante: Hippomedon Typhonem fumos ore efflantem: Parthenopæus Sphingem: Perseus Gorgonis colubriferum caput; Veneris genetricis Iulius, alij Pegasos, Minotauros, Harpyias, Leones, Vrsos, Aquilas, Angues, Fuscinas, alius aliud. At gēis tuæ istud in signe aut Symbolū, Sambuce doctissime, nō otiosū ac iners aut ingloriū existimo, in quo visuntur

binæ



binæ grues (non sine caussa Palamedis, vnius in-  
 ter omnes Græcos solertissimi artium insignium  
 inuentoris, aues nuncupatæ) hinc pedibus saxum,  
 firmitatis argumento; illinc cor, frontem &  
 retinaculum omnium honestarum actionum,  
 concorditer complexæ, rostrisque annulum  
 aureum, ceu debitam sibi mercedem appe-  
 tentes. Multiplex hinc cognitio animum simul  
 præstringit: nam vti Grues altiuolæ sunt, nubila  
 volatu tranantes; ita doctissimus quisque non hu-  
 mo assidet, sed mente cælestes etiam sedes addit,  
 imò penetrat; neq. id solùm, verùm etiã gloria eter-  
 nitatis affectatrice, sidera pulsat, & nubibus caput  
 inserit. Eadem etiam vigiles, quòd noctu lapi-  
 dem pede sustinent, vt oppressas somno, laxatis  
 nervis, strepitus cadentis lapidis expergeficiat,  
 diligentiæ summæ indicium faciunt. Quam ista-  
 rum auium sollertiam in exemplum rapuisse mihi  
 videtur Alexander Macedo non abs re Magni  
 nomen adeptus, qui globum argenteum brachio  
 capiti subdito tantisper continebat (quoties lu-  
 cubrandum illi erat) dum remisso nervorum te-  
 nore delapsus, tinnitu peluis subiectæ, somnum  
 illi abruptisset. Annulus verò (quē Promethei in-  
 ventum perperam, vt quo ipse Caucaaso alligatus  
 fuerit, alij Lacedæmoniis falsò attribuunt, quòd  
 ferreus illis in vsu fuisse legatur) in se recurrens &  
 ἀντίγων, immortalitatis nunquam vllò sæculorum  
 spatio finiendæ index esse meo quidem iudicio  
 videtur. Quòd si hariolari in re mihi obscura  
 licebit, crediderim duorum coniunctissimorum  
 fratrum operam præclaram Principi aliquando  
 suo

suo nauatam, maxima constantia pariſque concordia, iſta genti tuæ peperiffe inſignia, laudabiliore ratione, quàm cicatricum inſignia Saluſtianus ille commendarit; vt, quibus gloriæ infinitas, annuli opes, adamantis argumēto à Principis liberalitate honeſtamentum ac decus acceſſerint. Effigiationem quid attineat præſcribere, cum per ſe ipſa è ſuperioribus abunde eluceſcat?

## Emblema XXII.

*Carmen eſt Heroicum cum dactylico Almanio tetrametro acatalectico, cuiusmodi eſt illud Boetij:*

Tunc me diſcuſſa liquerunt nocte tenebræ,  
Luminibusque prior rediit vigor.

ORVS Apollo qui Hieroglyphica ſcripſit, reſert Leonem, vbi febricitarit (familiaris autem huic feræ morbus febris eſt; præſertim quartana, ſi Phileti, qui de animantibus græcè ſcripſit carmine, credendum eſt) ſimia ſolère veſci, ſaluberrimæ eſcæ loco. Non repugnat Plinius, niſi quod morbi vim eleuans, ægritudinem faſtidij tantum ſentire dicit, in qua medetur ſibi, guſtato ſimiarum ſanguine, quæ laſciuia immodica in rabiem eum agunt. Confirmat idem & Philoſtratus lib. de vita Apollonij tertio: Leones medicinæ gratia ſimiis inſidiari ſcribens. Quin & Aelianus omnigenæ hitoriæ lib. I. cap. 9. ægrotanti leoni cetera remedia inutilia ſcribit, præter ſimiã, cuius eſu priſtinam valetudinem recuperet. Idem in libris de animalibus lib. 5. cap. 39. medelæ rationem & morbi diſcrimen diſtinctius his ferè verbis aperit: Leo, inquit, ſupra modum ingurgitatur



gitato cibo, remedium quærit, aut à quiete abstinentiaque, aut simiam nactus deuorat: quo cibo alui proluuium excitatur, molestaque faburra exoneratur. Simiis aptissimè comparari possunt impostores, assentatores, & parasiti, qui ad gratiam loquuntur, & principum auribus insidias faciunt: siquidem *δημοπιδήκους* velut populares Simias vocat Aristophanes eos, qui plebi assentantur & obsecundant, quando & *πιδήκειν*, quod Simiari notat, pro fallere græca lingua vsurpat: est enim animal istud ad imitandum omnia dextrum, & habile. Tales autem pestes si quis aula exturbaret princeps, næ ille verè Augiæ stabulum repurgaret, & cum Hercule ac Constantino monstrorū domitor dici posset: hoc enim Aurelius Victor Constantino tribuit, qui aulicas illas pernicies, tineas foricesque palatii appellare solebat, vt Anaxilaus, opum vermes, quibus confectis & expulsis, ad incolumitatem rerū & sanitatē cuncta redire posse, nō iniqua spes est.

## Emblema XXIII.

*Cyrillium merum est, constans pentimetro hypercatalectico, quale hoc:*

Pulchra puella comas ambit sibi palmitibus.

PALMA Aegyptia Theophrasto à fructu Balanus dicta, arbor est magna, non recta, sed contorta, folio myrto simili: Dioscoridi (à quo pictura peti potest, expresso eius vno ramo) *πῶμα*, à succi copia qui in poculi vicem conuertitur, et ab arcēda siti adipfos quoq; vocata. Hæc priusquā maturuerit decerpta, sitim sedat: sin matura sumatur,

sumatur, sensum intercipit, gressum præ-  
dit, linguam retardat, & obsessis mentis ac cor-  
poris officiis, ebrietatis vitium imitatur, vt So-  
linus memora tcap. 45. Memorabilium. Admo-  
net hoc symbolum curiosam & profundam  
diuinarum rerum inuestigationem, eamque ma-  
turis iam fructibus factam, hoc est, ab ijs qui my-  
steriorum omnium cognitionem absolutam se  
adeptos putant, periculosam esse: nam quo altius  
isti laborant arcana de Deo eiusque vniformi Tri-  
nitate perscrutari, hoc maioribus altioribusque  
tenebris inuoluuntur, & in diuinitatis abyssum  
ineluctabilem corruunt. Simonides sapientiæ  
nomine percelebris olim rogatus ab Hierone  
Syracusarum rege, Deum vt sibi definiret, popo-  
scit sibi diem vnũ: postridie rogatus vt fidem ex-  
solueret, bidui spatium petiit: cũq; sæpius dierũ  
numerum ingeminaret, atque Hieron admira-  
bundus eius facti rationem requireret, respondit  
sibi tanto intricatiorem obscuriorẽq; videri rem,  
quanto diutius consideraret. Quod spectasse Ae-  
gyptios sacerdotes puto, qui sonum tantum vo-  
calium litterarum inconditum accinebant, indi-  
cantes se nulla ratione de Deo certi quid & ex-  
plorari posse expromere. In hanc sententiam  
detorsit, istud symbolum Hugo Eterianus, non  
postremæ eruditionis Theologus, cum de Spi-  
ritu sancto aduersus Græcos disserturus sic initio  
operis loquitur: Dum supremæ philosophiæ prin-  
cipium delibare aggredior, aquaticæ mihi videor  
testudini esse similis, quæ frætum tranare cupiat,  
stupore



stupore cogitatus obsidetur; mens tabescit; lingua tanquam Aegyptiam palmam, quæ apud Græcos Adipsos (malè enim adiperos ibi legitur) vocatur, gustauerit, retardatur. Appositè me hercule symbolo vsum vides, in explicanda prouinciâ, quam arduam aggrediebatur, difficultate: nam diuina natura ne angelicis quidem, nedum humanis linguis enarrabilis est, aut comprehensibilis, vt D. Martialis Lemouicensis Episc. scribit in epist. ad Burdeg. quod ipsum & Plato non tacuit, Deum indictum & innominatum vocans, quem inuenissè haud sit facile; intellectu comprehendere, impossibile: aut, vt Hermes Trismegistus inquit, Deum mente complecti res est ardua, sed sermone enunciare, impossibile. Huc spectat Iambus antiquissimus, quem ex ore Socratis fluxissè, lib. de recta Confess. memorat Iustinus martyr.

Οὐδ' ἐν ᾧ ἀνθρώποις τὸ θεῖον σκεπές. id est, Rerum diuinarum nihil mortalibus exploratum est: quo innuitur, qualia sint diuina, non esse inquirendum scrupulosius. Præstat itaque immaturas palmulas decerpere in sacra philosophia, quæ sitim arcent: quippe cùm videamus sophos istos qui maturis frui se solos arbitrantur, arenibus faucibus, lingua impedita, ingenio hebescente ac caliginoso, gressuque malè nutabundo, in ea sursum ac deorsum iactari volutariq; & sapientem Athanasij admonitionem sequamur, docentis, lib. 3. aduers. Arrianos, curiosâ & accurata persuatione potiolem esse fidem simplicem.

Potest

Potest symbolum referri & ad captiosas spinofasq; disciplinas, quæ cum fructu delibari possunt primoribus (quod dicitur) labiis; ita namque sitim restinguere valent: in quibus tãquam ad Sirenas scopulos desidere atque cõsenescere, id demũ insanum est studium: nam vbi eò res venerit, stupidi, cæci, dulciq; veneno ebrij, argutiarũ fuligine audientiũ oculos præstingere gaudent, sed euania, sanctissimæq; disciplinæ nomen emetiũtur interim, vt lucentẽ differit Herodes Atticus apud Gelliũ, lib. 1. Neque malè vita aulica, huic Adipso arbori comparari possit, quam aliquantis persequi & degustasse ante maturitatem fuerit non vtile, sed cuius illice succo, vbi maturuerit, plenis faucibus imbui, in eaque non immorari tantũ, sed & immori, omnem nostri agnitionem obliterat, mentem sanam exulcerat, fastu inflat, & Pallante (quem liberos suos nunquam alloquio dignatum scribit Tacitus lib. 13.) insolentiores reddit: nam ex infinitis vix vnum illĩc Eutherium inuenias, quem in Constantij Imperatoris comitatu solum integrum, fidei continentiaq; cultorem exstitisse, Marcellinus commemorat, lib. 16. A superiore, quam primo loco dixi, ratione non abludit fortasse, quod refert Clemens Alexandrinus in Aegyptiorum sacrorum caeremoniis, post cantorem, qui principem locum obrenet, sequi Horoscopum flaminem, qui altera manu Horologium, altera Palmam symbola gerebat.



## Emblema XXIII.

*Carmen est hexametrum cum trimetro senarioue Iambico.*

PRODITVM est à Plutarcho libro de Iſide; Phidiam clarissimi nominis ſtatuarium, finxiſſe Palladis ſimulacrum, pedibus prementis Draconem; & alterum Veneris apud Elæos, pede calcantis teſtudinem: argumento in illa cuſtodie ſui, quæ virginem deceat; in hac ſilentij curæque rei domeſticæ, quæ matronam deceant. Draco autem appoſitæ Palladis (quam perpetuæ virginittatis honore inſigniuerunt poëtæ) pedibus ſubſternitur, vt ſedulam pudicitie, cui in ille tenduntur inſidie, curam virgini incumbere ſignificetur; ſiquidem acerrima oculorum acie præſtare Draco perhibetur: quo nomine theſauris omnibus cuſtodiendis (inter quos aureo velleri, hortisque Heſperidum) eius operam aſſignauit antiquitas. Pingitur autem Minerua virginis ſpecie, oculis acribus & glaucis, haſtam dextra, clypeum læua tenens: cuius vimbo Gorgonis anguicomæ caput præfert, veſte ad talos uſque demiffa, galea caput muniente, ſubiecto pedibus Dracone, cuius caput haſtam attingat. ita enim ferè à Pausania in Atticis, & à Cornuto depingitur. Venus nuda pingatur, ſerto myrteo redimita intercurrentibus roſis, caſto, hoc eſt, baltheo vario & pulcherrimo infra pectus ambiente, dextra tenens tria mala aurea, læua columbam, pedibus teſtudinem calcans. Symbolicè nuditate ſimplicitatem & apertum pectus vxoris demonſtrari

Arari existimo : per columbam puritatem & blanditias: per aurea mala, casti amoris illicium: per caestum, coniunctionem deuinctionemq; animorum : per testudinem, & silentium & anxiam rei familiaris curam, quippe cum summo filētio ingrediatur testudo, domumque suam semper secum circumferat, vnde domiportam dixi, ex Cicerone libro de Diuinatione secūdo, vbi veris poētæ versum cōmemorat, ænigmaticè testudinem circumscribentis, Terrigenam, herbi-gradam, domiportam, sanguine cassam.

Emblema XXV.

Hæc germana est & viua medici Icon, quæ quia propter concisam breuitatem obscurior est & intricatior, libuit eam per dialogismum reddere prolixius pluribus versibus, vt explicatiùs singula paterent.

*Qui Deus es? Phæbo satus atque Coronide. habes cur*

*Sceptrum? agris vt rex impero. quid resides?*

*Sit sedato animo medicus. quid verticem inumbrat*

*Laurea? perpes enim viuut ab arte decus.*

*Nodoso baculo quid nitere? difficilem artem*

*Id notat. hinc cur stat Gallus, & inde Draco?*

*Cura vigil medicum decet ac custodia. quid vult*

*Sub pedibus Canis? hoc symbolon est fidei.*

*Quidue regit mentum propexa incanāque barba?*

*Longa ætas firmat iudicium atque fidem.*

Aesculapius Apollinis ex nymphea Coronide filius, in deorum numerū olim receptus fuit, quoniam rudem adhuc & vulgare medicinæ scientiā paullò subtiliùs excoluisset, vt Cornelius Cel. ait;



quanquā Trismegistus, interprete Apuleio, me-  
 dicinę repertorem falso nominat. Huius simula-  
 crū variis modis effigiauit antiquitas: nam apud  
 Sicyonios imberbem sterisse altera manu scep-  
 trum; altera pineam nucem obtinentē, memorat  
 in Corinthiacis Pausanias. in eadē historia refert  
 à Trasymede Pario exsculptum fuisse Aesculapi-  
 um in solio sedentem, baculum tenentem manu,  
 altera caput Draconis mulcentem, cum accu-  
 bante cane. Consentit in multis & Festus Pom-  
 peius, lauream insuper illi attribuens. Ego col-  
 lectis symbolis omnibus, & quasi in vnam (quod  
 dicitur) myconum coniectis, talem fermē me-  
 dici siue Aesculapij iconem conflaui. Virum gra-  
 uem pinxero, barbatum, throno insidentem, lau-  
 reatum, sceptrum gerentem altera manu, nodo-  
 sum baculum altera, adstantes illi hinc Draco-  
 nem, hinc gallum, stratumque ad pedes canem.  
 Nunc commentī, symboliue rationes subiiciam.  
 Aesculapij nomen haud temerē in medicum cō-  
 petit, quippe cuius sit placidē curare aegrotos. id  
 quod Gręcis sonat vocis etymō *αἰσχρὸν ἢ πῖος*. Bar-  
 ba illi datur velut adultæ & longę multarū rerum  
 experientiæ argumentū. Sedētis imago denotat,  
 sedato animo, neque vagū esse debere: Laureā co-  
 ronatum existimo, ob eximium & immortale ex  
 arte salutarī decus. quāquā Festus eō referat, quod  
 laurus arbor sit plurimorum remedium. Sceptrū  
 illi cum Pausania tribuo, vt dignitas medici eo re-  
 præsenteretur, qui regis in morē agris imperare de-  
 bet: quo spectat inuectiua Galeni, libro primo  
 Thera-

Therapeutices, medicos sui temporis incusantis, quod m̄cipiorū ritu ægris subseruirent ac obsecū darent, contra maiorum ab Aesculapio oriūdorū morem, qui velut reges subditis, & veluti duces militibus, præscribebāt ægrotis quæ fieri vellent. Bacillū nodosum tribuit illi antiquitas, vt difficultatem significarent artis plurimis rerum discēdarū anfractibus nodisq; difficilibus inuolutæ: tametsi Eusebius hoc interpretetur ægrotorū sustentaculū: & Cornutus libro de natura Deorū, quod medici opera confirmemur, ne tam propere in morbos incidamus: Draconē assistētē dant oēs. Cornutus tū propter diligentiam in curādis ægris insomnem, tum quòd medici industria ægri à morbis veluti reiuuenescāt, seniumq; deponāt, serpentiū more, vnde Macrobius lib. i. Saturnal. Aesculapij & Salutis simulacris Draco, inquit, subiūgitur, quia præstāt vt humana corpora, velut infirmitatis pelle deposita, in pristinum reuirescant vigore. Præterea constat ædium sacrarum, adytorū, oraculorum & thesaurorum custodiā olim Draconibus assignatā fuisse, cū quia acutissimè cernāt, tum propter inuictas vigilias, quod sensit & Fest. at Plin. lib. 29. cap. 4. Draconem Aesculapio sacrum voluit, propter remediorū, quæ illi insunt, multitudinem. Gallus eidem adiungitur, quòd vigilantissimum sit animal: nam sollicitum & vigilantē medicum requirunt res ægroti. Canem illi subiicio, vt animal fidissimum. quid autem medicum magis deceat, quàm indubitata fidem integritatēque ægrotis seruare? quæ res Philippum



Acarnanem Alexandro commendatum habuit, licet partidij crimine, sed immerito perstrictum. neque enim placet quod Festus ait, ideo adhiberi canem, quod canino lacte sit enutritus, quod tamen apud Lactantium etiam legitur.

## Emblema XXVI.

*Heroicum præcedit Archilochium dactylicum dimetrum hypercatalecticum, cuius generis est illa Horatii oda.*

Diffugere niues, redeunt iam gramina campis,  
Arboribusque comæ.

IN nemine Deorum tam prodiga ingeniorum fuit antiquitas, quàm in Fortuna, ut quæ sola utramque paginam facere in ratione mortalium fuerit credita. Hinc tot eius cognomina, de quibus alij dixerunt, tot picturæ, tot diuersa simulaera; apud Artemidorum libro de insomniis secundo, Cylindro tereti insistentis: apud Pausaniam in Messeniis, polum vertice sustinentis: apud eundem Cornu Amalthææ gestantis, præsentem alato Cupidine: apud Cebetem & Eusebium in pila sedentis & alatæ: apud Lactantium, lib. 3. Copiæ cornu præferentis cum gubernaculo: apud Plutarchum viscatæ: ita Fortuna varietatis amica, etiam variè expressa est. Hanc Smyrna clarissima Asiæ ciuitas pedibus carentem exculdit, instabilitatis argumento; unde iocus Apellis in Fortunam diuersa ratione sedentem à se effictam, dicentis eam nunquam stetisse: Alatam verò eadem Smyrna sculpsit, ut vagā nulliq; perpetuò addictam. Pingatur itaque sine pedibus,  
manum

manum extensam ita porrigens, vt pennas suas  
comprehendi non sinat.

Emblema xxvii.

*Heroicum est carmen cum trimetro Iambico affecta.*

PERSEAM arborem esse Aegypti peculia-  
rem scribit Theophrastus lib. 4. de plantis: aspe-  
ctu venustam, ingentem, pyro assimilem cum fo-  
liis, tum floribus, ramisque: cuius etiam poma, quæ  
copiosè fundit, magnitudine pyrum repræsen-  
tant, specie oblonga, amygdalacea, colore her-  
bido, nuce intus pruno non dissimili, sed minore  
multo ac molliore, carne dulci admodum ac sua-  
ui. Qua ex descriptione deprehendere licet Per-  
seam, nostræ Persico esse congenerem, specie ta-  
men dissidentem. Nicandri interpretæ apud Per-  
sas letalem prius, translatum in Aegyptum, ter-  
ræ māgonio salubrem euasisse scribit: cuius dictis  
attestatur non vno in loco Galenus, & locuples  
testis Iunius Columella li. 9. ijs versib.

*Stipantur calathi pomis quæ barbata Persis*

*Miserat (vt fama est) patrijs armata venenis.*

*At nunc expositi paruo discrimine leti*

*Ambrosios præbent succos, oblita nocendi.*

*Quinetiam eiusdem gentis de nomine dicta*

*Exiguo properant mitescere Persica malo.*

Quibus ex verbis facilè agnoscitur discrimen  
inter has arbores. Porro nux huiusce arboris du-  
ra, turbinata, cordis figuræ non absimilis nucle-  
um operit: innuente symbolo, sapiētiam nucleo  
assimilatam, operculo duro, reſeratu difficili esse:



opertam debere. De hac Plutarchus, lib. de Iside, in hunc modum: Inter plantas, quas fert Aegyptus, Perseam eximiè præ ceteris Isidi sacram esse voluerunt, quòd eius fructus, cordis speciei; folium, linguæ representet: nihil enim inter omnia, quæ homini à Deo data sunt, diuinius est sermone, præsertim qui de Deo instituitur, neque maius ad veram felicitatem momentum obtinet. Hæc ille.

## Emblema XXVIII.

*Metrum est Iambicum trimetrum, cui subiungitur Archilochium. quale est Horatii illud in Epodis:*

Plecti nihil me, sicut antea, iuvat

Scribere versiculos, amore percussum gravi.

ARBOREM pinxero quercum, ut solidioris ligni, firmioribusque innixam radicibus; qualis virorum principum conditio est, quam priuatorum, durabilior: cui altrinsecus immineat ex atro & turbulento cælo allatum hominis caput. plenis buccis spirans (ita enim ventos pinxere veteres) decutiensque folia, partim humi strata, viridia licet, partim cadentia, paucis adhuc superstitibus in ramo vno aut altero: cuius caudici circumuoluta schedula loquatur dictum istud Italicè: BASTACH' IO VIVO. Nil mirum est, neque verò absurdum, arbori comparari virum principem, quando & Horat. Pompeium Magnum multitudine pariter atq; magnitudine rerum gestarum clarissimum, allegoricè Ponticam pinum, & Sylvæ nobilis filiam nominet. quin & Lucanus poëta eundem Magnum quercui silva arborum obseptæ, eadem

eadē ratione comparat. Princeps, etiam si de gradu sit exactus diro nouercantis fortunæ ludibrios non patitur tamen generosos illos spiritus ita infringi aut pessundari pro cæcæ sortis libidine, vt quidquam auito progenitorum suorum stemmate indignū admittat: cuiusmodi Gilimerem Vādalorum Regem commemorat Procopius, & nostrum æuum talem non vnum protulit. Idem in virum fortem & infracti pectoris conuenit, honoribus opibûsque per inuidorum suggestiones exutum, contentūque in otio paupere delitescere.

## Emblema xxix.

*Carmini Heroico subiungitur Iambicum trimetrum.*

A P V D priscos Romanos Flamini Diali tanta in religione habitam fuisse hederam comperimus, vt eam vel nominare, ne dicam tāgere, inexpressibile nefas existimaretur, propterea quòd is frutex vincit atque illigat lubrico palmitum errore, quocunque se applicat, vti Festus Pompeius indicat. Nimirum declarat istud symbolum, sacerdotem castum & ab omni lasciuia Venerea quàm maximè alienum esse debere: quando suos amatores ita circumueniunt Veneres & circumuentos enecant, vt hederæ solet arboreas vires complexu arctissimo vitalis succi inanire. Eidem non licebat annulum solidum aut nodosum digitis inducere: nempe vt ab omni animi angore liberum, neque mali cuiuspiam sibi consciū esse debere ostenderet eū, qui rei diuinæ vacaret. Pictura postulat profanū aliquē depingi, qui Flamini siue



sacrifico (Flamen autem pileo insignie batur, cui virgula oleagina cum paxillo lanæ erat superimposita, cetero habitu nostris ferè similis, lineo amiculo togæ inducto, vnde Linigerorum nomen) porrigat hederam, sed abnuenti & vestigium reducenti, & altera manu exhibeat anulum circularem & solidum.

## Emblema xxx.

*Trimetrum Iambicum monocolon, in quo priores duo versus reciproci sunt, qui transposita à calce dictionum serie transeunt in pentametros. hoc modo:*

Effere seruili colla repanda iugo  
Irrita taure paras molliter excutere.

NEQVI CQVAM sapit & ferre recusat iugum, qui semel admisit: quando & Elephantos iussa facere, & Leones iuga subire videmus haud temerè excutienda. Serò coniugij capistrum acceptum deplorat maritus, qui semel collum submisit. Aërem verberat qui publicis muneribus, quæ curanda suscepit, ingratis defungi parat. Pictura per se clara est.

## Emblema xxxi.

*Symbolum istud ingeniosè & luculenter à Nasone lib.*

*Tristium secundo explicatur, ibi:*

Nil prodest, quod non ledere possit idem.  
Igne quid utilius? si quis tamen urere tecta  
Comparat, audaces instruit igne manus.  
Eripit interdum, modò dat medicina salutem,  
Quæquæ inuant monstrant, quæquæ sit herba nocens.  
Et latro, & cautus præcingitur ense viator:  
Ille sed insidias, hic sibi portat opem.

*Discitur,*

*Discitur, innocuas ut agat facundia causas:*

*Protegit hæc fontes, immeritosque premit.*

Vfus rei salutē præstat, abusus necem aut detrimentum saltem adfert: certè ita demum vnumquodq; aut commodat aut officit, prout eo vel vtare vel abutaris. Lex eadem alio atq; alio sensu accepta, quē grauaret, reū absoluit: innocentē inuoluit. Quàm sepe scripturę mēbra luxata & veluti assulatim conuulsa, aut in partes cōsecta, aut cōmate interstincta, hæreticos armāt, caussa casuros, vbi loci, vnde petita sunt, tenor expendatur aut attentius consideretur: ita fit vt eundem locum pro sui defensione Marcion & Valentinus adducant; Christianus eundem rectius indubitatiusque pro se alleget: hinc tot schismata, tot pestilentes factiones & prioribus sæculis & his nostris inconsutilem illam Christi vestem lacerarunt. Terra & venenorum & omnis boni parens ac alumna, tot perniciēs protulit, quot species: tot dolores; quot colores, vt inquit Tertullianus, libro aduersus Gnosticos. ita Lucretius inquirens causam cur idem alij sit cibus; alij venenum,

Præterea, inquit, nobis veratrum est acre venenum: At capris adipēs & coturnicibus auget. quod & Plinius non tacuit, lib. 10. cap. 72. Venenis, inquit, capræ, et coturnices pinguescūt: (ea est enim verior lectio quàm quæ habet, capræ.) Quin & Aristoteli idem non fuit ignotum. Ad pēcturæ varietatem pingi potest Helleborus niger, siue, veratrum, quam herbam hinc depasti homines



homines expirent ac vitam cum morte commutante: inde coturnices aues & caprae eo pabulo usæ, vegetæ sint & agiles. Altrinfecus pingatur ignis, cui affideat aliquis, ut rigorem expellat: & in proximo, domus incendio conflagrans.

## Emblema XXXII.

*Heroicum, cui subiungitur tetrametrum Clodum, siue Episcizon à Plotio dictum, Aristophanium nominat Seruius.*

PINGITVR mulier scabello aut tripodi insidens, geminas alas ad modum talarium Mercurij expansas, velut paratum volatui peculium, dextra tenens: læua testudinem meritò tardigradam à Pacuio dictam: rursus dextro pede terram premens; sinistro in altum elato, ita ut dextræ expromptam agilitatem remoretur pedis dextri grauitas, rursusque læuæ tarditatem adiuuet pedis item læui alacritas. Mediocritatem auream insinuat symbolum: itemque animi moderationem, ne ita efferamur, ut sortis nostræ obliuionem induamus, neue iuxta adagium, ita fugiamus ut præter casam. Habet affinitatem cum illo Augusti dicto, Festina lentè. Tarditas immodica, præcipatione castiganda venit: & celeritas nimia illaudata est & vitium habet. Itaque modus omni in re seruandus est: atque ita festinandum, ne vel tardi, vel præcipitis nomen incurras.

## Emblema XXXIII.

*Iambicum trimetrum Archilochium monocolon, Horatiano illi simile:*

Iam iam efficaci do manus scientiæ.

VERISSIME dictum est ab Ouidio poëta:  
Naturæ sequitur semina quisque suæ.

Nimirum ita fermè comparatum videmus, ut nihil tam commodè fiat aut dicatur, quod nō detorqueat, deprauet, ac sinistrè interpretetur calumniam. Propterea scitè & festiuè dictum est à Theodoro Atheniensi, cum illi fuisset obiectum, quòd multos sua doctrina deteriores redderet, aliorum id vitio accidere, qui sinistra ipsius doctrinam acciperent, quam ipse dextra porrigeret. Neque malè sonat vulgatum prouerbium: Volucres pro suo quamque rostri modulo cantillare: cum velit innuere, improbos non posse non improbè loqui, bonos verò benè. Nempe rosa utilem mellificio materiam api suggerit, araneæ venenum: Quam sæpè fit ut dictum innoxium, ac sine fūco expressum, huic risus & leporis seminarium sit; illi Vatiniani odii fomes & incensium. Scriptura sacra, inquit Nazianzenus, in prima Steliteutice: probis est virtutis armamentum; at sceleratis nequitiae stimulus.

## Emblema XXXIII.

*Heroicum Alcmanio siue Archilochio præpositum, quale supra 1X. Embl.*

BACCHVS cognomento Psilas, quasi alitem dicas, Amyclis vrbe Laconiae exitiali silentio nobilitata, colebatur. sua namque lingua *Ψίλα* alas vocabant,



vocabant, quò respexit fortassè Catull.co versu:

*At parte ex alia florens volitabat iacchus.*

Voluit autè significare artifex, Vinum, si modus adsit, vt tristitiæ curam hebetare; ita ingenium agile reddere et alacre, nihilo secius quàm aues pennis euehantur, vti à Pausania in Laconicis proditum est. Tametsi cum Eubolo sapientiam vino obumbrari dicat Plinius, accedo tamen Plutarchi sententiæ, inuentionem & facundiam vino tribuentis, sic enim in Symposiacis loquitur: Quidam inter bibendum inuentionis acrimonia & linguæ disertitudine, quæ in sobriis ieiuna & contracta erat, seipsos superant, iiq; vini feruore ceu nidore quopiam thureo suffusi atque expleri se sentiunt, metu qui spiritus generosos cohibebat, exploso: est enim vinum fecundissimum liberè ac proinde verè loquendi alūnus, sine quo nullus est ingenij et industriæ vsus. vinum calore (vt inquit Plato) & animum & viscera imbuit. Hinc est quòd Aeschylum nobilissimum poëtam non nisi inter calices tragœdias suas scripsisse legimus: Ennium vinosum ad canenda bella profuisse: priscos heroas inter calices grauissimis de rebus consultasse. Neque verò temulentos, siue, quod idem est, rationis egentes, scripsisse aut consultasse, sed postquam mero incauissent venæ, ac dispulsa esset illa ieiunitatis segnities, verisimile est. Neque alienius à symbolo isto cecinit Niceratus:

*Egregio vati vinum fit Pegasus ales.*

Pingatur Bacchus puer nudus, imberbis, rubicundus coloris, læto vultu, pampinis redimitus, corniculis

EMBLEMA XXXV. III

culis è fronte promicantibus, corpore non obeso  
aqualiculi iustar, sed vegeto & agili, alis extra  
humeros extantibus volucer, altera manu botrū  
tenens; altera, si placet, scyphum: oculis viuacibus  
& cælum suspectantibus.

Emblema xxxv.

ADOLESCENTIAE flos nō per luxum, de-  
fē sue otium deterendus est, sed veris animi orna-  
mentis tingendus, siue id in litterarū atque artium  
liberalium studio, quibus ætas prima ad huma-  
nitatem informatur, fiat; siue in mechanicis, se-  
dentariis, aliisue opificiis. siquidem laboribus  
vt duratur virtus atque adolescit in maius; ita  
luxu degeneriq; otio exolefcit ac diffluit. Labo-  
ribus (quos vbique sanctos agnoscit scriptura sa-  
cra) & vitæ subsidia quæruntur, & lætæ senectu-  
tis adiumenta comparantur. Labor iuuentæ viri-  
bus, dum genua virent, conuenientissimus est: at  
senectutem decet feriarum à laboribus otium,  
rerumque partarum vsus. quò spectat laudatus  
ille Ennij poëtæ versus:

*Sicut fortis equus, spatio qui forte supremo*

*Vicit Olympia, nunc senio confectus quiescit.*

Proinde rectè dictū est à Portio Latrone insigni  
rhetore: Quare adolescens, vtere senex; & in ean-  
dem sentētiā à Seneca: Iuueni parandū, Seni vtē-  
dum. Pingantur hinc adolescēs expeditis lacertis,  
nudo capite, ligone terram proscindens: illinc se-  
nex ab olla pellita suffultus, in solio accūbēs ad ge-  
nialē mensam epulis scyphisque exstructam.

Em-



*Heroicum comitatum Iambico senario.*

P A V S A N I A S in Corinthiacis commemorat apud Sicyonios exstare nobile Veneris simulacrum ex auro & ebore sculptum Canachi clarissimi statuarii manibus, quæ capite gestet cæli orbes, altera manu teneat papaverum capita; altera malum. Innuere artificem voluisse arbitror, Veneris in omnia animantia potentiam, quando & Iovem suum in varias species mutatum cælo deductum Veneris causa fabulantur poëtæ. Huc spectant Lucretij versus:

*Alma Venus, hominum diuūmq; voluptas, capta lepore,*

*Illecebrisque tuis omnis natura animantum*

*Te sequitur cupidi, quò quamque inducere pergis.*

*Omnibus incitiens blandum per pectora amorem*

*Efficis, ut cupidi generatim sæcla propagent.*

Pingatur Venus nuda, myrio coronata, cum puero Cupidine alaro, cæco, pharetra & arcu instructo, læua malum aureum tenēs, dextra papauera, ad ornatum addi potest quadriga à duobus cygnis & columbarum pari numero tracta, cui infideat Venus; nam cygnos eam vehere Horatius, Statius, & Ouidius loquuntur; alij huic muneri columbas deputant: Sappho etiam passeris dat. Porro nemo est, qui nescit, papaueris vim præcipuam esse in sopiendo sumnoq; conciliando, usq; adeo ut copiosiore eius usu inexpugnabilis etiā somni necessitas ac veternus inducatur. Venus autē præsertim moderata, iras implacabiles sopit atq; remittit. testib. Aëtio & Aegineta, ingenij

EMBLEMA XXXVII. 113

ingenij mæstitiam obliterat, animum sedatum reddit, atra bile percitos furiososque ad sanam mentem reuocat.

Emblema XXXVII.

NEMINI ignotam arbitror nucem Pineam, quam superstitiosa antiquitas Cybelæ olim sacrat, colliculis quibusdam inæqualem & asperam, ac veluti in gradus quosdam scanfilem miræ durtitiæ, qui vix, nisi vi ignis expugnati in valuas dehiscunt, & lacunatos tortulos referant, in quibus nuclei dulces resident, magni ad diuersa corporis malavsus, quos & conos & strobilos nominant peritiores. Hanc insigne, ni fallor, gentilitiū olim domi tuæ mihi ostēderas, Tennere ornatiss. quando euocatum à Rege in Daniam, humanissimè excepisti, eo ferè emblemate in instrumentū omne argenteum addito. Cuius ego non aliud fermè solum puto, quàm quòd è virtute & eruditione, omniq; sapientia (quo non temere nisi per labores peruenitur) dulcissimus omnium existat fructus, qui sapienti recordationem actorum laborum longè iucundissimam adferat.

Emblema XXXVIII.

Ex Hieroglyphicis notis, quas ignorabiles Marcellinus nominat, petitum symbolū. Viperae, inquit Plinius, mas caput inserit in os, quod illa abrodit voluptatis dulcedine. Cōfirmat hoc Orus Apollo, addita symboli explicatione, in hæc verba: Aegyptij mulierem suum maritum exosam, vitæque illius insidiantem, solumq; ob concubitus illi assentantem exprimere volentes, vipe-

H

ram



ram pinguat, quæ in coitu caput maris insertum ore complexa, illud morfu truncat. Picturæ ratio per se euidens est.

## Emblema XXXIX.

*Alcaicum metrum choriambicum, secundum Seruium, quale est Flacci illud:*

Nullam, Vare, sacra vite prius seueris arborem.

PINGATUR columba caueæ inclusa, cui insidietur atq; immincat altrinsecus superuolans aquila: potest autem in superiore pariter & inferiore caueæ limbo, ascribi hic versiculus.

IL MAL ME PREME, ET ME SPAVENTA IL PEGGIO. Innocentium angustias aptè exprimit symbolum, quos non ita satis tutatur sua tenuitas & rei familiaris angustia, quin mille discrimina ab impostoribus & rapace hominum genere illos circumstent.

## Emblema XL.

*Carmen est Aeolium, à Sappho modis Aeoliis delectata, frequens in usu habuim, teste Terentiano Mauro, quale memorat istud:*

Cordi quando fuisse sibi canit Arthida

Paruam, florea virginitas sua cum foret.

NEMO est tam perfunctorie in poetarum libris versatus, cui non suboleat Amorem fingi igne esse quendam occultum, qui cor iecurue, propria illius sedem insideat, & praesens absensque vitalia noctes ac dies depascit; unde illud est de Dido ne dictum: Et caeco carpitur igni. Et illud: Est mollis flamma medullas. item illud: Quisquis amat, vritur igne graui. atq; adeo Xenophon ipso etiam igne flammaque torrentiorem illum facit, utpote.

EMBLEMA XLI.

119

utpote cum ignis tangentem solum vrat & vicina depopuletur: hic vero etiam in procul obruentes & longo terrarum tractu separatos, ardentes suas sagittas acuat. quod inquit Horatius. Itaque aptè faci comparatur, quam & sua flamma depascitur: & vicinus ignis, cui imminet, consumit. Pingatur fax cerea paulatim liquefcens vi ignis propinqui, & accenso ellychnio ab altera parte sese consumens: cui, si lubet, addi potest Italum hendecasyllabum.

ARDO D'APRESSO, ET DA LONGE  
MISTRVGGO.

Emblema XLII.

*Senarij sunt Iambici acatalectici.*

CLEMENS Alexand. lib. 5. Stromatum refert ex Pherecydis Syrii auctoritate, Anacharsim Scytham pingi solere, læua manu genitalia operientem, dextra os compescentem, ad modum Harpocratis Aegyptij: eoque symbolo innui, debere nos superare vtrumque quidem, & libidinem nimirum seu voluptatum seminarium, & linguæ petulantiam, sed hanc potissimum. Laërtius ait statuis huius philosophi additam fuisse sequentem inscriptionem, Linguæ, ventri, pudendis impera: quo symbolo ostenditur, garrulam & effrenem linguam infinitorum malorum esse causam: luxu scœdius nihil aut scropha dignius: & libidinis incertium, velut Circeum poculum, ex hominibus belluas nos facere.

H 2

Em-



*Aristophanium Iambicum tetrametrum brachycatalecti-  
cum monocolon.*

IN describenda Sphinge dissentiunt inter se auctores. siquidem eam triformem fuisse belluam fabulatur Palaphatus corpore canino, facie puellari, alis volucris voce humana. Zezes Lycophronis interpretes leonina specie antrorsum, posteriore humana vnguibus gryphinis, aquilæ alis eam depingit. Ausonius quoque triformem describit illis versibus in grypho ternario:

*Terruit Aoniæ volucris, leo, virgo triformis*

*Spinx, volucris pennis, pedibus fera, fronte puella.*

Psellus in allegoriis biformem facit, umbilico tenus elegante forma puellam, cetera hispidam, cauda oblonga, & ferinis pedibus, lingua Atticissante & Pythagoræa, hoc est, diserta & sapiente: Aelianus etiam lib. 12. de animal. cap. 7. δι-  
*Quñ καὶ δίμορφον* biformem & duplici constantem natura, ab Aegyptiis effingi sculpique commemorat, mistura leonini & virginalis corporis in vnum conflata: idque Euripidis testimonio confirmat. Suffragantur illi Orig. lib. 1. contra Cels. dimidia sui parte virginis formam præ se tulisse scribens, & Clemens. Iam verò Diodorus Siculus, & cum Solino Plinius in Simiarum genere enumerant Sphingas, comis villosas, prominulis mammis, & dociles: quæ nihil ad nostrum institutum, nisi quòd fabulæ biformis monstri attestatur. Quid dicam quòd Dion Chrysostomus Sphingē allegoricè inscitiam exponit: at Psellus

pro homine è dissimilibus constante, siquidem pars nostri rationalem facultatem obtinet, pars brutam naturam sortita est. Non ad symbolum veniamus, quod ex Clementis Alexandrini sententia adscribam. Sphinx inquit lib. 5. Stromatum, pro delubris statuebatur apud Aegyptios, vel quia altis inuolucris operta sit omnis de Deo ratio, & mortalium sensibus obscura atque imperuia: vel quia amare pariter & timere Deum teneamur, ac diligere quidem vt piis mitem & benignum: metuere verò, vt inexorabilem meritoque iustum vindicem scelerum erga impios: siquidem Sphinx humanam pariter & belluinam speciem representat: vt nimirum ferina, forma terribilem eius duritiam & asperitatem in exigenda ab impiis vindicta insinuet: humana, facilem atque obuiam erga pios clementiam. Hanc in symbolo interpretationem secutus sum, tamen si aliter exponat Synesius Ptolemaïdos Episcopus longè doctissimus in libro De regno, & repetit in libris de Prouidentia, in hanc ferè sententiam: Sphingem Aegyptia gens antè delubra consecrauit, vt sacrum symbolum coniunctionis virtutum, fortitudinis, & prudentiæ, dum ferina species robur representat; humana prudentiam: robur namque prudentia duce destitutum, temerè citraque consilium & iudicium rapitur, miscens atque confundens omnia: rursus ingenium & industria aut prudentia, quantumvis magna, nisi manus habeat administras, inutilis est atque evanida. Sed hoc eius inter-



pretamentum ideo respui, quòd aliud huius rei  
symbolum eadem gens dederit : de quo diximus  
embl. XLII.

Emblema XLIII.

UT fulminis, ita & procellæ eadem est ferè na-  
tura & vis, ut validissima quæque ac renitentia  
sternant, euertant, dissipant. Idem est liuoris in-  
genium. Contra arundinem contumacem ad-  
uersus fauentium nimborum impetus, domi-  
tricemque ruentis cæli videmus, nec aliis armis,  
quàm patientia quadam tutam. Neque verò  
alia est æquitatis animi ratio, quæ inuictò robo-  
re despuit, ac perferendo inuidiam ceteraque ma-  
la superat, gloriæ immortalis quæstu opulentis-  
sima, vbi temeritas succumbit, quam laudem in-  
uenit sæpius. Qui vitæ honestati innititur fortiter  
patiens, is & tutè viuit, & de inimicis triumphat  
seriò, talique fortuna etiam adiumento esse solet,  
quod Cornificius dixit. Picturæ ratio obuia est,  
vbi ventus aliquis tumidis buccis inspirans, in-  
gentes arbores & confringit medias, & reuulsas  
radicitus profligat, illæso perstante arundineto.

Emblema XLIII.

PRODICVS Ceus philosophus librum con-  
scripsit Horarum nomine, in quo fabulatur Her-  
culum viâ ingressum, fortè incidisse in Virtutem  
ac Vitium; quarum vtraque magno studio illum  
in suos mores vitæque institutum pertrahere co-  
natae fuerint: tandem victum in partes Virtutis  
concessisse, eiusque sudores antetulisse insidiosis ac-  
titillatricibus Vitij voluptatibus deliciisque. Nar-  
rationem

rationem omnem licet petas ex Xenophonte, libro commentariorum de dictis factisque Socratis secundo. Meminit Cicero de officiis lib. primo. Silius Italicus eleganter hanc fabulam trāstulit li. 15. Punici belli, ad Scipionem, cui de bello in Africam cogitanti dextra læuaque adstitisse hinc Virtutem, illinc Voluptatem fingit, addita utrique oratione ad persuadendum efficaci. Simili ratione Lucian. in somno apparuisse sibi Statuariam & Doctrinam comminiscitur; quarum utraque sui studium illi persuadere conata sit. Simile commentum est apud Poggium de Industria & Pigritia per somnum cuidam apparentibus. Tendant omnia ad vitæ institutum delectumque, qui à Deo animarum ephoro seu natura, cum pubescimus, proponitur: id namque tempus aptissimum deligitur ad ingrediendam certam aliquam viuendi viam. Neque verò aliud est Paradisi iudicium, quàm delectus adolescentis in persequendo hoc aut illo vitæ instituto, dum aut recta ratio eum ducit ad verorum bonorum, hoc est, Palladiæ vitæ amorem; vel animi affectus vecordia seductus, ad Venereæ & in speciē pulchræ formæ admirationem rapitur & inclinatur, uti vult Proclus Diadochus in Platoniciis commentariis.

Emblema XLV.

*Hexametrum, cui subiungitur Iambicum dimetrum catalecticum.*

APVD Sain inferioris Aegypti regionis metropolin, in vestibulo fani Mineruæ sacratio,  
H 4 hiero,



hieroglyphicum symbolum exsculptum fuisse hoc ordine commemorat Plutarchus in libro de Iside: nimirum Infans, Senex, Accipiter, Piscis, Hippopotamus ordine sequebantur: quo admonerentur à primis vitæ initiis ad extremum vsque eius terminum, animis hominum insidere debere, quòd Deo nihil sit magis inuisum atque exosum, quàm impudentia. Accipiter autem Dei significationem habet, quoniam ea auis ceteras antecellit & acie obtutus, & volatus pernicitate. Piscis vero odij latètem significationem præfert, propter mare elementum humanę naturæ inimicum. Hippopotamus denique impudentiam notat, vt qui genitori quoque suo non parcat, eoque necato vi matrem ineat. Est autem Hippopotamus siue Equus fluuiialis, soli Nilo cognitum animal, corio & pilis vestitum; vt vitulus marinus, quaternis pedibus, vngulis bifidis, quales bubus, dorso equi & iuba, rostro resimo, cauda tortuosa & breui, dentibus aprorum aduncis, animal præ cæteris sagacissimum, vt quod in arundinetis succis cubile ponit, tramitesque à pabulatione auersis vestigiis varios distinguit: & ex voracitate nimia pigrescere se sentiens, arūdinis præcutę crure impresso, sanguinis profluium elicit, eaque inanitione sibi medetur.

Hæc fermè de Hippopotamo ex Ammiano, Plinio, Solino.

Emblema. XLVI.

*Carmen est Antispasticum tetrametrum, eius generis quod à Servio Honorato tali exemplo comprobatur.*

Mœce-

Mœccenas atavis, Lydia quos fert, genite.

INTER cetera, quæ leoni sæuissimo animaliter terrorem incutiunt, enumerat Plinius lib. 8. cap. 16. circumactos rotarum orbes, & cantus gallinaceorum, sed omnium maximè ignes. Confirmat hoc Orus Apollo, nulla re magis domari atque frangi leonis feritatem, quàm accensis facibus. Iræ tumor haud ferme compescitur meliùs quàm documentis præceptisque cælestis philosophiæ, quæ facis instar mentem illuminat, & ab indomita præcipitis affectus rabie cogitationem auocat, sanæque doctrinæ suggestionem munit, & animi tranquillitatem conciliat. Præterea & supplicij metus nō irā moderatur modò, sed & ceteros affectus velut iniecto freno cohibet. Iræ significatio à tædis non est aliena: nā & definiunt eā sanguinis circa cor ardorē, vnde Lucret. lib. 3. *Est etiam calor ille animo, quem sumit in ira,*

*Cùm feruescit, & ex oculis micat acriùs ardor.*

Quod ad picturam attinet, pingatur fax ardens, & Leo qui auersetur ignem illum.

Emblema. XLVII.

*Carmen est Alcaicum dactylicum monocolon, constans pentemimeri lābica, et gemino dactylo, simile illi Horatiano: Fauete linguis, carmina non prius.*

PINGATUR Ceruus perniciosissimo cursu fugiens, sed obliquato nō nihil collo, sagittam vulneri hærentem respectans, vt aliqua ratione doloris sensus exprimi videatur. Expressum ex illo Hetrusci poetæ versu, qui etiam non absurdè appingi potest. DIDVO L' M I STR V G G O, F T

H S

D I



ET DI FUGGIR' STANCO. Qui æger ani-  
mi peregrinando & trans maria currendo dolo-  
ris fastidium leuare se posse sperat, non absimilis  
est huic Ceruo; nam & ægrimonix vulnus animo  
circumfert, & opes atterendo, ac in ignota incur-  
rendo hospitia, dum malè tractatur, lassescit, cru-  
ditatemque vulneris adauget.

Emblema XLVIII.

*Heroicum est Archilochio tetrametro adiunctum.*

DESUMPTVM est ex Plutarcho, libro de  
Iside sæpius antea citato, vbi sic ait: In Creta Io-  
uis fuit statua, auribus mutila: quo symbolo in-  
nuere voluit artifex, principem & qui ius in om-  
nes habeat, non debere alicui aures suas manci-  
pio dare. hoc est, ita accommodare, vt ab illo pos-  
sessæ videantur, vtque illarum obsequio abuti  
queat. Nihil perniciosius est quàm quòd aures in  
omne patentes princeps habeat: id quod Mar-  
cellinus lib. 16. de Constantino Cæsare prædicat,  
turpem tanto Imperatori maculam adspersens;  
contrà quàm præclarum acroama & elogium Iu-  
liano lib. 18. idem tribuit illius patrieli, quo præ-  
dicat eum personarum indeclinabilem iusti iniu-  
sti que fuisse distinctorem: addito & documentum  
vice exēplo laudabili, quod huiusmodi est: nam  
cùm Numerius, Prouinciæ Narbonensis rector,  
peculatus in simulatus, rationibus crimen obiectū  
facile dilueret, ac Cephidius orator hominis inno-  
centiam acerrimè oppugnaret, inopsque documen-  
torum exclamaret: Neminem quenquam nocen-  
tem fore, si infitiri sufficeret: Iulianus sapienter  
ex

ex tempore subiecit, Ecquis tandem innocēs erit,  
si accusasse sufficiet. Nō alienum hunc est Alexan-  
dri Macedonis factum, altera manu opposita au-  
rem obstruentis, vt ore seruaretur integra.

Emblema XLIX.

*Trochaicum Sotadicum trimetrum acatalecticū monocolum,  
quale illud apud Marium Seruium.*

Arua sicca nimbus intrat, ite lāti.

CULEX insectum flammæ splendore mirē  
gaudet: itaque lucernis aduolitat, moxque ex-  
ustis alis concidit, atque interit; vnde & Pyraustæ  
gaudium & interitus, in prouerbiū abiit. Non  
absimilis est condicio amantis, qui inescatus a-  
moribus, temeritatis suæ fructus merit, & quem  
deperit, igne perit: quò spectat Aeschyli Tragici  
poëtæ senarius:

*Pyrausta inertem perimeo necem nimis.*

Potuit & pudicus amor huiusce calamitatis sen-  
sum incurrere, quando Euadnen legimus præ ni-  
mio coniugis Capanei amore seipsam vltro pyræ  
ardenti iniecisse: Portiam legitimi amoris singu-  
lare ornamentū, marito Bruto extincto, ardenti-  
bus carbonibus ore haustis, vitam abruptisse, te-  
stante Valerio Maximo; nam Dido se ipsa ferro  
cōsumens dubium in vtramuis partem exēplum  
attulit: ita vt picturæ per se alioqui manifestę  
adscribi queat versiculus Italicus.

C O S I D I B E N' A M A R P O R T O  
T O R M E N T O -

Em-



COMPLEGITVR istud emblema ternas præcipuas vxoris dotes, nimirum residem domi suę operam (cuius explicatio xxii. emblem. elucescit) deinde opum mariti industria quasi-  
tarum custodiam, postremò linguæ continen-  
tiam. Pingatur itaque recto corporis statu mu-  
lier, dextra clauium fascem præ se tenens; læua  
ori opposita, qua specie Angeronia Dea, silentij  
præsul, prænexo obsignatoque ore figurabatur  
apud priscos.

## Emblema. LI.

ADAMAS vt inter gemmas facilè principa-  
tum obtinet, neque mirum, quippe cui vis in-  
domita nomen Græca interpretatione dedit; ita  
duarum violentissimæ naturæ rerum, ferri ignis-  
que contemptricem vim singulari prærogatiua  
iam olim possidet, atque auctoritate scriptorum  
veluti mancipi tenet: quando enim incudes, ne-  
dum malleos ferreos dissilire inusitata sua duri-  
tie faciat; hinc est quod adamantem (quem  
opum gaudium præclaro elogio nuncupat Pli-  
nius) reliqua vi omni infragilem atque inuictum,  
solo hircino sanguine, nec nisi recentè à cæde  
feruente, rumpi posse naturalium rerum venti-  
latores negant. Emblema desumptum est (ne  
quis nobis fascinus à maleuolis obrepat, qui can-  
didè nostros labores in publicum proferimus) è  
librorum Pragæ, quæ Bohemiæ copiosissima fa-  
cilè & literarum studiis celeberrima est ciuitas,  
excusorum frontispicio: vti annulus pala-  
sum

tum habens adamantem, decussatim præfert hinc securim Amazoniam; inde trullam ferream igne ardente coruscantem.

## Emblema. LII.

*Carmē est heroicū cum Archilochio dactylico hypercatalect.*

TRES sunt capitales veræ laudis ac honestatis omnis hostes; tres exitiales pestes, Inertia, Gula, Venus. Hæ nimirum sunt pellaces illæ Sirenes, quibus sapientiæ adumbrator Vlysses aures obstruxerat: hæ veræ Gorgones torporem menti industriæque conciliantes: hæ ipsissimæ Harpyiæ animorum pabuli depeculatrices, quæ patria, hoc est mentis bona comedunt, ratione exuunt, animique lumen excæcant. Pingatur homo Sardanapali aut Bonosi cuiuspiam similis, ventricosus, & obesus, accumbens resupinus in lectulo, subalaribus culcitris innixus, dextram pateræ iniiciens in mensa apposita, læva Venerem expapillatam contrectans: addatur ad latus Gloria fugientis specie, retrospectans, & auersa manu veluti valedicens. Porro Gloriæ purpureus habitus, ut latè conspicuus, aut Attalici generis, tribui debet, cum laurea coronasempiternitatis teste: cuius plantis adicerem talares alas ad modum Mercurij: paludamentum autem illud purpureum aut χρυσόπρασον linguis oculisque passim adpersum distinguerem; tum quia gloria latè in terrarum orbem dimanat; tum quia gloria celebrem omnium ora loquuntur, in eundem omnium coniecti sunt oculi.

## Emblema LIII.

*Metrum est iambicum tetrametrum monocolon.*

NEMI-



NE MINUS non est in ore vetusti poetæ dictum, Veritas Temporis filia; quod nimirum tempus in lucem proferat veritatem. Saturnum autem pro tempore accipi indubitatum est. Iam verò constat Democritum dixisse quondam veritatem altissimo in puteo demersam atq; obrutam iacere: vnde sumpta est fingendi Emblematis occasio. Pingatur virgo nuda Veritas, è specu obscuro inter scopulos umbilico tenuis emicans, quâ Saturnus librat in aëre alis volitans, dextra educit: circumstant hinc inde tres feminea specie pestes, Discordia, Calumniæ & Invidia, quæ succinctæ & ligonibus instructæ, manibus pedibusque conentur veritatem egesta humo obruere. Nunc singulatim personarum habitum ac speciem demus. Veritas virgo pingitur niueo & simplici, rugisque carente, amiculo induta, puro oculorum lumine irradians. Calumniæ olim ab Apelle pictorum coryphæo ita depictam insinuat Lucian. ut ornata sit pulcro, forma egregia, ad spectu ardente, læua ardentem tædam præferens; dextra supplicem adolescentem per capillos trahens: Invidia macie lurida pingatur, obliquata oculorum acie, viperis circum caput errantibus redimita, corque humanum ori admouens comedendum. Discordiæ, siue Litis imaginem dabo Emblemate LIII. Saturnus autem operto capite pingatur, senis specie, alatus, læua falcem tenens, aut, ut alij malunt, clepsydræ: reliqua picturæ pars è superioribus patet.

## Emblema LIII.

**S Y M B O L V M** per se dilucidius est, quàm vt diserto in re clara esse lubeat; quis enim mali omnis parentem discordiam non cecinit, mare cælo permiscere doctam? Pictam hanc graphicè expressit in Satyrarum fragmentis, Petronius Arbitrator, quem magna ex parte secutus, eiusmodi picturam dederim. Pingatur mulier lachrymis oculis oppleta, scisso capillitio, comas viperis implexas habens, scabris dentibus & liuidis, sanguinea manu facem ardentem quatiens, quæ pedibus follem deprimat, cuius acrophysion siue caput foculum propinquum excitet cum fumo & flamma. *Emblema L V.*

**M V S C A**, meritò ab Homero impudens dicta; qua nullum animal minùs docile putatur, minorisq; intellectus, impudentes alienæ famæ obtretractores denotat, aut æmulos Zoilos, qui ad bene dicta conniunt: in vitio læui aut lubrico lapsu immorantur, illudque suggillant. Apis candidi lectoris exemplum est qui Musarum prata peruolitat, & vtilē mellificio succum depascitur: aut qui Virgiliano more è fimo gēmas colligit, ex horridè insciteq; dictis veneres dicendi cōquirat. Pingatur hinc musca iumento hulceroso insidēs, virusq; depascens: illinc apis thymum floresque delibans. *Emblema L V I.*

**C I T A V I M V S** in Adagiorum nostrorum octaua Centuria, prouerbium à Dionysio Longino rhetore vsurpatū, ψυχῆς γλῶττον δουλεία: **Animi scriniū seruitus: quòd ea sit animi tetinaculum.**



culum, neque sinat libero nos ore eloqui, & liberaliter expromere, quæ animo concepimus, addicti magnatum seruitio, vel saltem eorum tyrannide prohibiti, velut iniecto ori freno, cum libertas eloquentiæ nutrix sit ac parens. Nimirum ea tyrannis ab antiquissimis temporibus inoleuit à principibus vsurpata, volentibus flagitia sua virtutum velaminibus tegi, perfidiam specioso fidei fucō induci. Ea fauendi vitiis cōsuetudo, vsu stabilita, atque in mores recepta, ingenia scribingentium seruitute degeneri ita corrumpit, vt nihil sit ab hac parte sani, vt sacrosancta illa historiarum fides penitus interierit, vt illaudatos Busires & portenta cælestibus propè æquemus. Inde excogitata fuit ingeniosa illa pœna & animaduersio, qua libri incendio absumi iussi sunt Senatusconsulto in Imperatorum, ne dicam orbis pestium, gratiam: quod de Labieni scriptis memorat Seneca, de Cremutij Cordi Tacitus. Emblemata petita sunt ex Philostrato in Scopeliani sophistæ imagine, qui deprecatus operam à Clazomeniis imperatam, qua domi ludum aperiret, respondet, Lusciniam in cauea cantillare. Pictura per se euident, lusciniam caueæ inclusam postulat, sed desidem, non volucrem.

## Emblema LVII.

DI O N aurei oris cognomine celebratissimus Græcis philosophus & orator, in Diogene siue de famulitio, Emblematis istius occasionem dedit, vbi diuites onerosa famulorum turba stipatos, Iulis (chenilles Gallicè, nisi fallor, millepedas

das multipedásue Latina lingua nuncupat pilos-  
 fos vermes arcuatim progredientes ) assimilat:  
 qui etsi pedum agmen infinitum moueant; rep-  
 tilium tamen sunt facilè tardissimi : ita enim so-  
 nant eius verba, ἔστι τὸ πρᾶγμα ὅμοιον τοῖς ἰούλοις,  
 οἱ μυχίους πο'δας ἔχοντες, βραδύτατοι εἰς τῶν ἐπιτετῶν  
 Non absimili ratione tiremes Paridis, quibus  
 Helenam petebat, ob remorum ordinem mul-  
 tiugum, ἰουλοπῆζους, quasi Iuli instar gressiles ap-  
 pellant. His aptissimè Crassi nostri torquati man-  
 cipiis locupletes, & Tantali fame conturbatrice  
 nobiles comparantur, qui ansatis lateribus pla-  
 tearum spatia complent, pellitis abollis, & fera-  
 rum tergoribus hirsuti, fractoque incessu super-  
 bi, multitudinem affectantium ministrorum  
 puerorumque ponè & vtrinque attrahunt. mille-  
 pedæ non ignota forma est, ac proinde obuia pi-  
 cturæ ratio, nisi quòd venustandæ illius gratia  
 adiici superiore in tabulæ margine torquatus ali-  
 quis inulto comitatu superbus possit.

Emblema LVIII.

INGENIUM & industria quid non va-  
 let? quid non penetrat, atque pervadit? quò si  
 accedat assiduitas sedula & indefessa, crebris o-  
 peris eandem incudem nocte diuque tundenti-  
 bus, operi instans, ne tum rotundum nescio quid  
 & absolutum ( cuiusmodi orbicularis ille scien-  
 tiarum ductus promittit ) existat inde necessum  
 est. Vetus illud ac veritati consonum est: Crebris  
 I icibus



ictibus quercum deiici, continuæ atque infatigabilis diligentiae argumento, quod difficillima etiam quæque ea via superentur adeò & perficiantur; Herculeis ac Theseiis laboribus omnia quamuis ardua, cælum denique ipsum pateant. Verè ille, Labor improbus omnia vincit. Palis & stipitibus, quos fistucæ adegerint, teluris ipsius solum, & ἑδος αἰσφαλὲς (vt Hesiod. canit) pertundi videmus. Has tibi sublicas, Sufianæ quidem familiae insignia, sed easdem pertinacis industriæ symbola, animo infigas velim, Petre fili, ne torpor hinc te reuocet, inde desperatio ad summa euadendi deiiciat; quin potius iusta æmulatione ad domestici exempli gloriam laudisque hæreditatem adspires assiduo studio, quod nocturna diurnaque manu tractatum, cunctas tibi difficultates, velut propitia quædam Lucina, peruias aperiet.

# AUCTORVM NOMINA;

EX QUIBUS PROFECIMVS, ET  
QUORVM TESTIMONIO  
SUMVS VSI.

Aelianus.	Dionysius Longinus.
Aëtius.	Dioscorides.
Albericus.	Epictetus.
Alcæus.	Epigrammata Græca.
Aeschylus.	Erasmus.
Ambrosius.	Eusebius.
Ammianus Marcellin.	Festus Pompeius.
Apuleius.	Fulgentius.
Aristeas.	Galenus.
Aristophane.	Gregorius Nazianzen.
Aristophanis interpres.	Harpocration.
Aristoteles.	Hermes Trismegistus.
Artemidorus.	Herodotus.
Athanasius.	Hesiodus.
Au. Gellius.	Homerus.
Aurelius Victor.	Horatius.
Ausonius.	Hugo Cardinalis.
Catullus.	Hugo Eterianus.
Cebes.	Ioannes Stobæus.
Clemēs Alexandrinus.	Isocrates.
Cornelius Celsus.	Iunius Columella.
Cornelius Tacitus.	Iustinus Martyr.
Cornutus.	Lactantius.
Diodorus Siculus.	Laërtius.
Dion Chrysostomus.	Lilius Gyraldus.
Dionysius Areopag.	Lucanus.



Lucianus.  
 Lucretius.  
 Lycophron.  
 Macrobius.  
 Martius Plotius  
 Marius Seruius.  
 Martialis Episcopus.  
 Martialis poëta.  
 Nicandri interpres.  
 Nicephorus  
 Oppianus.  
 Origenes.  
 Orus Apollo.  
 Ovidius.  
 Paulus Aegineta.  
 Pausanias.  
 Petronius Arbiter.  
 Philes.  
 Philostratus.  
 Pindarus.  
 Plato.  
 Plinius.

Plutarchus.  
 Portius Latro.  
 Proclus Diadochus.  
 Procopius.  
 Psellus.  
 Qu. Curtius.  
 Sappho.  
 Seneca.  
 Silius Italicus.  
 Solinus.  
 Statius.  
 Strabo.  
 Suidas.  
 Synesius.  
 Terentianus Maurus.  
 Tertullianus.  
 Theophrastus.  
 Valerius Maximus.  
 Vitruuius.  
 Xenophon.  
 Zezes.  
 Zoroastres.

133

CLARISS. VIRO ARNOL-  
DO ROSENBERGO IVRISCON-  
SULTO, HADR. IVNIUS ME-  
DICVS. S. D.



EX TA tibi numeris latebrofa Aenig-  
mata mitto,  
Qua dextra enodes Oedipus arte  
nouus.

Rosenberge decus Charitum, Musaque

nonena

Rarum ornamentum, praesidiumque meum:

Nempe quaterdenos, cum quatuor, ordine gryphos,

Ad numerum tenebris lux rediuiua venit.

Sic Ariadne filio duce fugerat olim

Aegides latebras, cecaque tecta domus.

Prima tenet Calamus gracilis: <sup>2</sup> Nix algida: mollis

<sup>3</sup> Spongia: cumque <sup>4</sup> Manuthus <sup>5</sup> Libanetus olens:

<sup>6</sup> Ignis edax: <sup>7</sup> Echo resonans: assertor <sup>8</sup> Iesus:

cum <sup>9</sup> Cereris potu, mellia <sup>10</sup> Vina sinul:

Fictilis <sup>11</sup> Olla: <sup>12</sup> Vitrum fragile: & nux <sup>13</sup> Casta-

na: <sup>14</sup> Taurus

Hinc sequitur: fœtens <sup>15</sup> Matula: <sup>16</sup> Rana loquax:

Instabile <sup>17</sup> Argentum vinum: <sup>18</sup> Pappique volantes:

Turgidulum <sup>19</sup> Cerasum: pendula <sup>20</sup> Araneola:

Tardigradus <sup>21</sup> Cancer: <sup>22</sup> Paries & structilis: adde

<sup>23</sup> Clyisma aluum ducens: <sup>24</sup> Aurea mala super:

<sup>25</sup> Campanū æs: <sup>26</sup> Limaxque piger: <sup>27</sup> Ceruique fugaces:

<sup>28</sup> Pileolus capitis: Velinoleque <sup>29</sup> rates:

Et <sup>30</sup> Membrana, tenax quam cera obsignat aratam:

Mollis <sup>31</sup> Charta: agilis <sup>32</sup> pes: volucrisque <sup>33</sup> Pila.



Hinc <sup>34</sup> Vespertilio sese ordine stridula inngit:

Et cum dentato <sup>35</sup> Pectine, dura <sup>36</sup> Silex.

Post agmen claudunt <sup>37</sup> Morum: <sup>38</sup> Canis impiger, atque

Sol <sup>39</sup> candens: simul huc, <sup>40</sup> ceree Lichne, subis.

Coningis <sup>41</sup> & votum, cui vincla iugalia sordent:

<sup>42</sup> Temporis usura: & <sup>43</sup> Cos sine fine rotans:

<sup>44</sup> Prurigo imponet mordax Colephona libello,

Qui nostra in lucem prurit abire manu.

En tibi materiem, quæ pangitur ordine, libri,

Qui reram exponit nomina luce data.

Haud alio tenuis mea nunc tibi Musa litabit:

Complacat magnos vel mola salsa Deos.

Disce favere orsis, auram adspirato secundam:

Quod cecini, nitida fronte benignus habe:

Neu fallas nugis tua seria: tunc breve volues,

Cum madidus cenam soluet Iacchus, opus.

I.

EST mihi forma teres: canus, at non peruius aluus;  
 Quem medium nodis spissa medulla secat.  
 Porrigor in caudam, cui barbula vestit utramque  
 Oram; qua volucris sum vice remigij.  
 Ex sanguis, de carne tamen satus, huius aluminus:  
 Nec nisi carnosus vellor ab usque sinu.  
 Iam truncus capite, & diffissa cuspide sectus,  
 Proluo me succo Sepia nigra, tuo.  
 Vfus abest lingua, tamen illa exerceo parte  
 Ius necis & vitæ: tristia bella sero:  
 Componoque animos: regum iras mitigo & arma.  
 Atro felle mea aut spicula melle madent.  
 Hoc potior lingua: sine me moritura quod huius  
 Sit soboles: nostram secula longa manent.  
 Illa etiam solas praesentis manat ad aures,  
 Nostra vel immenso, qua patet, orbe sonat.

ALITER, SED E GALLICO  
 IDIOMATE.

ME gignit nutritque caro, de carne reuellor,  
 Carnis abest species, nulla est substantia carnis.  
 Artus crescenti inuvalidi, mucosaque origo.  
 Truncatusque caput, madidum bibo cuspide rorem,  
 Quo Genij lati aut irati semina prodo.  
 Fas perago atque nefas: facilis bona paruaque secor.  
 Dissidij ac pacis sum Regibus auctor: amantes  
 Concilio: moderor mentes, & tempero curas.  
 Sæpe simultates idem qui concito, soluo.  
 Quæque velim scribi, totum dissemino in orbem.



*Criminis ipse exfors, multi sum caussa laboris.  
Dicam te Oedipoden, si quid sim, nomine prodas.*

## I I.

*Candidior cygni plumis, sum filia Bruma,  
Dura minus glacie; sed nec minus algida: fungo  
Rarior, ac fluidum in laticem tabesco tepore:  
Signo nouem, fuerit si littera prima recisa:  
Cor mihi si iungas, vix est auis atrior vlla.*

## I I I.

*Tethyos undifonæ medijs ego nascor in aruis,  
Mequæ cauernosam fistula crebra forat.  
Non inuita graui leuis impleo viscera succo,  
Quem reuomo exsorptum pollice pressa prius.  
Peniculi quæ loco mensas extergeo mollis,  
Et rapio sordes, vlcera quæ exanio.*

## I I I I.

*Porrigor in ramos quinos, & quilibet horum  
Diditur in triplices nodos; nisi quintus egeret  
Vno, qui solus respondet robore cunctis:  
Vndique colliculis surgo, in vallem quæ resido:  
Ast abaci, desit si fortè, ego munia præsto.*

## V.

*Thuris odorati de me salit halitus; unde  
Natales nostrum nomen sibi vendicat ortus.  
Prodiga quæ nimium nostri, per vulnera vitam  
Effundo, digitus nisi det carpendo medelam.*

## V I.

*Ex me nata Sophi perhibent primordia rerum;  
Vltimus & rerum finis & orbis ero.  
Omnia consumo, nostrum nequenomen abhorret  
Ipse Deus: leuius mobilius quæ nihil.*

## VII.

Deliciae Panos, prolis Cephisia amores,  
 Conualles adamo, porticibusque vagor.  
 Indocilis, prior ipsa loqui, aut reticere loquenti:  
 Affecta dictorum, & vocis imago vocor.

## VIII.

Dicito, quale putes nomen, quod recta columna  
 Inchoat, inde tridens fuscina nectit idem:  
 Flexus utrinque uncus secat: hinc binij nota: claudit  
 Idem uncus medio, qui stetit ante, loco.

## IX.

Nomine sum vini non digna; vicem tamen huius  
 Impleo, dum cerebri victrix percello caernas;  
 Illud sol radians, me Mulciber excoquit: amne  
 Gignor, alitque Ceres madefacti farris aceruis.

## X.

Do vires, adimoque, & origo nominis à vi:  
 Ingenium exacuo, pectora soluo metu:  
 Me gignit Tellus: rutilo sol concoquit igne:  
 Mox ventrosa tegunt dolia, praela vomunt.

## XI.

Stat currente rota fictus cauus alueus, vda  
 Argilla ductus, Mulciberi in gremio.

## XII.

Aëris excludo, tempestatumque malignam  
 Vim, transmitto tamen lucem, non perfluo: Bacchum  
 Accipio gremio: nostroque fideliter aluo  
 Assyrios nimbos fragrantiaque unguina credas.  
 Lumina confirmo speculique exerceo munus.  
 Quin auri nostro pretium concedat honori,  
 Malleolo si forte sequax, & ductilis essem.



## X I I I.

*Est mihi dura caro, rugosa veste voluta:  
Includor corij tegmine Phœnicei.*

*Exterius Natura hinc muniuit Echino:  
Mensam orno, panis dum vice soluo famem.*

## X I I I I.

*Signiferi sidus, Ciccum mons, Pasiphaesque  
Nobilis infessor, vector Agenoridis.*

*A me nomen habet gens quæ tulit Iphianassan  
Fœdantem Scythica sacra cruore Decæ.*

## X V.

*Inuentum lasciuia putor, Sybari, esse tuorum:  
Pictilis aut stanno, aut Cyprio sim fusilis ære.  
V sibus humanis nil me magis utile, quamuis  
Vilius haud quidquam, nec me de spectius exstat.*

## X V I.

*Vox mihi rauca aures radit, sum garrula lingua:  
Vlua sub sterili mollia regna colo:  
Vitaque vere nouo rediuiua recurrit in artus,  
Candidæ aui, gracili crumibus, esca petor.*

## X V I I.

*Haud temerè inuenias grauius quidquam, attamen una  
Mobilitate viget: si vinculis exeat arctis,  
Labitur in partes mille, & reparatur in vnum  
Rursus: idem immutat species rerum atque colores.*

## X V I I I.

*Dum iuuenilis adest vigor, est graue: moxq'ue senectæ  
Surcedente volat leuiter sine præpete penna,  
Et prætexit humum tenui sub pollice rectam.*

## X I X.

*Rubra mihi cutis est: latet intus vineus humor:*

Os pro corde gero, semen at illud habet.

XX.

Vsus abest manuum: ducens pede stamina texo:  
Aluus lanigera fertilitate scatet.

Cum pedicas muscis, scutulatum rete facesso,  
Concedunt tramis serica fila meus.

XXI.

Zodiaci gemino munitum forcipe signum,  
Pugnantem Alciden mordicus appetij.  
Et testudineo gressu feror octipes: a quor  
Innato: sum fœdum, luctiferumque malum.

XXII.

Calce coagmentor, quadrato marmore surgo:  
Defendo nimbos, fulcio tecta domus:  
E demas, Ida pastor, iudexque Dearum,  
Exitium Troie, clarus adulter ero.  
Tollito P, cornu ferio, ruo mœnia, celum  
Orno, Helles vector, victima grata sacris.

XXIII.

Ibidis inuentum Phariæ, ventrisque morantem  
Immisso rostro depleo proluiem.

XXIII.

Me vigil Hesperie serpens custodijt ore:  
De fuluo color insignis, nomenque metallo  
Fluxit: natura est dispar, cui viscera frigent,  
Exteriora calent: gratoque embammate mensis  
Expetitur succus, conditur pyxide corpus.

XXV.

Malleus illisu insultat mihi; mox ego motum  
Aëra percello, & patulas dilabor ad aures:  
Clepsydra melius properantes metior horas:

Cogo



Cogo hominum cætus, tonitrus fugo, tempora signo.

XXVI.

Ex ossis pedibus cassus, non horreo spinis,  
Proque oculis implent cornua bina vicem.  
Ex sanguis, quaquâ incedo tractu illino mucum,  
Latifer est mihi sal hostis & exitium.

XXVII.

Corniger, ac timidus, pedibusque fugacibus Euro  
Ocyor, at furias mi citat alma Venus.  
Lassus, aqua vires reparo: Spadixque colore,  
Cornicis supero sacula longa quater.

XXVIII.

Libertatem olim dederam, nunc arceo frigus:  
Materies fuerant pili, nunc lanea fila;  
Aut etiam trama, Seres quas arbore pectunt.

XXIX.

Filia pinifera silua, levis innatat æquor,  
Aluo grande tamen per mare vectat onus:  
Linigeroque sinu ventis famulatur, & iras  
Neptuni ridens, humida regna secat.

XXX.

Anser, apis, vitulus, rerum potiuntur, & orbis  
Tergeminum brutum frena superba regit:  
Res similis monstri, condigna interprete, qualis  
Thebigene nodos soluere Sphingis amet:  
Membranam vitulus præbet, calamusque canorus  
Anser, apes stipant cerea dona vagæ:  
Fasque nefasque tria hæc obeunt, dum tergora chartæ  
Penna arat, obstringit cera notata fidem:  
His humana tribus diuinaque iura reguntur,  
Omneque momentum hoc cardine terna trahunt.

XXXI.

XXXI.

Scetilis in tenues membranas candida lamina,  
Conflata ex atomis, quos lintea fragmina reddunt  
Diffusa in lympham, exilis quos sicina cogit:  
Inde coactilibus stipor; mox arida sole,  
Prebeo me calami diffissa cuspide arandam.

XXXII.

Metior, ingredior: tendoque & carbasa laxo:  
Nec moduli, aut versus me sine stare queunt.

XXXIII.

Glabra foris, pilosa intus, specieque globosa,  
Exsilio quanquam mi pedis usus abest:  
Aër easque carens pennis volitabo per auras:  
Et vires crebro pulsa resumo novas.

XXXIII I.

Est mihi de sero deductum vespere nomen:  
Ala mihi cutea est, plumaque mollis abest.  
Sola auium pario, soli ubera lacte tumescunt:  
Aspera sunt soli dentibus ora mihi.

XXXV.

Buxea materies, numerofoque ordine dentis  
Distincta, implexam diuido casariam.

XXXVI.

An grauius quidquam est, vel durius? attamen ignis  
Hinc saliant scatebræ, fonticuliue lenis.

XXXVII.

Primum albus pallor, ruber hinc cruor inficit ora.  
Mox succum euinco, sepia pulla, tuum.  
Ultimus erumpo: ast inter matureo primos:  
Est genitrix sapiens, nomine stulta tamen.  
Assyrios iuuenum monumento testet amores:

Vinosi



Vinofi laticis rore placere queo.

XXXV I I I.

Corporea languent vires, nimisque fatiscunt

Arva, agrum nostra vi rotat ora pecus.

Religione pia coluit Pelusia tellus,

Nostra fides cunctis obsequiumq; placet.

Nos tamen infamat tumulto Priameia coniux,

Atque incesta Helena nomine abusa meo.

XXXIX.

Rerum oculis cunctis, candens saxum esse putabat

Nonnullis, discus ve, aut lucida lamina ( tanta

De me pugna Sophos exercuit) huic pede maior

Non videor; telluri alius me exaequat inertii.

Attamen unus ego lustro, gigno, excoquo cuncta.

XL.

Stuppa medulla mihi labor est apis ingeniosa.

Scapus mihi est: ab igne flammam mutuor.

XL I.

Olim dedi, quo tunc carebam, munere;

Datum tamen, possideo nunc, atque id colo.

O si diem illum Iupiter bonus vehat!

Quo non haberem, quod darem alteri tamen.

XL I I.

Est, cuius cunctis aqua est data copia, cuius

Ex aquo egemus infimi atque maximi.

Quid; quod idem nimium huic, aut parçe suppetit illi;

Vt quisque rectè secinsue eo utitur?

XL I I I.

Sum Terra soboles; radiati Solis imago

Formaque; librata geminus me sustinet axis:

Attenuor, tenuoque simul, celerique rotatu



Perpluor impulsa, & vires adspersione sumo.  
 Omnia fecundans, elementum absumo, vomoque  
 In medijs (dictu mirabile) fluctibus ignem.  
 Quin nuda omnigenis occurso durior armis,  
 Obiectosque domo lacera cute certius hostes.  
 Quid, quod & arcessor, quamuis innoxia, cadis?

XLIII.

Carnea sulcetur si glebula corneo aratro,  
 Non me dulce dabit, sed feret acre piper.

ALITER.

Agrum caueto carneum ne vomere  
 Arare pergas corneo: pro mellea  
 Semente, mox reponet vrens tibi piper.  
 Cupido eandem dulcamarus um tenet, γλυκυπινος.  
 Pro melle felleum propinans poculum.  
 Fœdare strictis unguibus cutim caue,  
 Assiduus est Pruriginis comes Dolor.

FINIS.

SUMMA PRIVILEGIORVM.

PHILIPPI Regis Hisp. &c. Ducis Brab.  
 &c. Priuilegijs cautum est, ne quis ante sexen-  
 nium citra Christophori Plantini voluntatem,  
 Emblemata & AEnigmata ab Hadr. Iunio Medico conscri-  
 pta, imprimat, aut alibi inpressa importet, vena-  
 liãve habeat, intra omnes ditionis eius fines. qui  
 fecus faxit; confiscationis librorum, & pœna fisco  
 Regio exsoluenda, multabitur: vt latius patet in  
 ipsis diplomatis; quorum alterum datum Bru-  
 xellæ, Anno M. D. LXV. VI. Ianuar.

Subsig.

De la Torre.

Alterum verò XI. Martij Subsig.

De Perre.



**SYMMA PRIVIL. IMPERATOR.**

**MAXIMILIANI II.** Romanorum imperatoris  
semp. Augusti, publico edicto cautum & sancitum est; ne  
quis cuiuscunque status, gradus, ordinis, aut conditionis  
fuerit, quacunque sacri Romani imperij, & ditionis eius  
fines patent, quæcunque probatorum auctorum opera,  
quotquot vel hætenus nondum impressa, vel ab alijs qui-  
dem impressa, nouis autem deinceps scholiis, annotationi-  
bus, aut commentariis aucta & illustrata Christophorus  
Plantinus ciuis & typographus Antuerpiensis primus  
typis procuderit, intra proximum sexennium à prima  
cuiusque operis aut voluminis editione, vlllo pacto eius-  
dem vel diuersi characteris forma excudat, aut excusa ab  
alijs intra eiusdem Maximiliani & Imperij fines ven-  
denda importet, seu quouis modo distrahat manifestè  
vel occultè, sub poena decem Marcharum auri puri, qua-  
rum dimidia fisco Imperiali fraudis vindici, residua verò  
pars prænominato Plantino cedat, præter librorum ad  
imitationem impressorum amissionem, quos idem Plan-  
tinus vbicunque locorum nactus fuerit per se, vel suos,  
adiumento Magistratus loci, vel citra, propria auctoritate  
sibi vendicare, inque suam potestatem redigere poterit. In  
cuius rei fidem ipsi Edicto manu subscripsit, & sigillum  
apponi iussit Cæsarea maiestas. Datum in ciuitate Viennæ  
Austriæ, die vigesima prima mensis Februarij. Anno Do-  
mini millesimo quingentesimo sexagesimo quinto:

Subsig.

*Maximilianus.*

Ad mandatum sacræ  
Cæs. M. proprium.

Haller.



Eutlemes

U.S.

Edelmi Plurati Plurati

91954

6

Von Neute Foults. (Vander)

538

76714

Figures de

recherches von Linderger

SPECIAL

87-B

7005

Bound w/

88-B

31927

THE GETTY CENTER  
LIBRARY

buens  
may Pierre  
Hugo  
de Junius

whole or  
ending

Ch. O. Paulin



